

夏生齋詩續集

卷一之二




07685

夏生齋  
譚續齋



譚續齋  
夏生齋



我

朝二百年來東南壇坫莫盛於毘陵而尤以乾隆嘉慶之際爲最著小倉山房詩所謂常州星象聚文昌洪顧孫楊各擅場者想見名流輩興動人歆慕洪卽稚存先生顧孫楊則立方伯鼎西河蓉裳諸先生也蓀弱冠出游從諸先生後咸奉手有所受獨稚存先生先以侍直內廷繼復遠戍塞外迨

賜環南歸始獲一識荊州自是歲必游浙輒相聚於湖山佳處猶憶戊辰四月梅雨浹旬西湖漲溢白蘇隄半在水中時蓉裳先生方主話經精舍講席令予伯夔隨侍適先生來游遂下榻於此蓀於大水中棹小舟赴蓉

序

一

裳先生之約喜遇先生作竟日譚讌吳江郭頻迦亦在坐先生諳諳相訂次年同游諸暨之五洩山頻迦以無濟勝之具辭詰朝各匆匆別去逾年先生遽歸道山五洩之游竟不果庚午晤長君孟慈孝廉知遺稿尙多有待剞劂孟慈服除後出宰楚中未幾病歿諸弟俱幼不相聞問者二十餘載茲遇孟慈弟子齡孝廉於倪濂舫糧儲坐中並詩文續集未刻本俱在焉糧儲自幼習聞先生之言論服膺久而弗衰旣得是稿亟任棊行因相與商榷讎勘佐成其事凡更生齋詩續集十卷文續集二卷附卷施閣外編二卷刻始於己酉四月葺工於七月惟先生謝世迄今四十年遺書久度間有蝕缺譌錯

當時手稿或不盡存無從以原本校對乃與子齡商定  
凡佚脫殘損之字胥闕疑待補不欲憑臆增改至先生  
之詩論者或以爲好奇不知先生詩於理則醇於法則  
正其用意造句不肯少涉凡近類於好奇乃少陵欲語  
羞雷同之意實非牛鬼蛇神詭誕不經之奇也蓀十一  
歲時見畢秋帆尙書所選吳會英才集卽喜讀先生詩  
及伯胤先生之峭麗古豔荅袁先生之纏綿跌宕皆朝  
夕諷誦不去口今復校葺是編獲觀著述之全可爲幸  
矣道光己酉秋七月海甯楊文蓀識

更生齋詩續集目錄

卷一

古今體詩二百五十三首

卷二

天台石梁集

古今體詩一百五十二首

卷三

匡廬九江集

古今體詩一百七十五首

卷四

徑山大滌集

古今體詩一百七十七首

卷五

武彝九曲集

古今體詩二百十九首

更生齋詩續集目錄

卷六

古今體詩一百七十五首

卷七

古今體詩一百五十二首

卷八

古今體詩一百六十五首

卷九

古今體詩二百三十五首

卷十

古今體詩九十五首

更生齋詩續集卷一

陽湖洪亮吉著

甲子元日

六十看看欲到頭卅年爲世又重周慙無一事酬君父  
祇有千篇記釣遊涉筆動推今少輩焚香靜與古爲儔  
修文未召巫咸遠想尙容人少滯留

題亡友管侍御世銘讀雪山房卷子卽示令子學洛

春明門外攀車別君留尙讀燕山雪勸君過歸君亦允  
未遂歸心遽歸骨故人歸骨纔一秋我復荷戈西海頭  
生還贈詩盈一束只恨少君長句讀故人有子亦老蒼

更生齋續集卷一

一

南邊讀雪仍作堂山房讀雪南北殊腹痛忍過君新居  
君不見平生相期汗青史我愧投荒君遽死丈夫事業  
甯止此努力還期故人子

續城東酒徒行贈陸孝廉繼輅卽題其行卷後

孫郎憔悴黃郎天可惜城東酒徒少雙丁二陸夾里門

城東近復添酒人

謂解元煦明經履  
恒及孝廉叔姪

酒人豈止豪于酒

前後詩名亦誰偶復有周郎絕妙詞

舉人  
儀暉

欲兼秦七同

黃九卅餘年來壇坫存愧我筆弱非凌門黃公墟下一

回首怕見渡口升朝瞰青山莊圯陳園破約客欲從何  
處過已少平生鬥酒場茫茫清淚杯中墮天荒地老仍  
歸來杯底客盡埋蒿萊青松影裏石林立猶認玉山筵

上顏紫薇舍人前後死謂莊選宸劉召揚兩舍人落拓更憐狂刺史

屠刺史紳蠻府參軍亦已亡楊大令倫城西自此無餘子城東酒

薄花亦稀僻處閒看飄酒旗酒徒零落不頻到壚畔剩

有荒雞啼遂令百尺鶯花地無酒無詩壓奇氣玉局堂

空硯水枯風廊月館都荒廢我憐住近東邊城却闌一

齋名更生荷戈甫罷荷鋤始種菜自喜儕虫氓酒人舊

者皆衰老所幸諸公後來好若說心期到古人周郎陸

弟尤傾倒讀君詩完笑口開新月影外休襄徊一城梅

花今始開與爾且覆三千杯

江陰過楊文定公里第

半生儒術慶遭逢節使清名擢秩宗六詔恩威開太傅

兩朝師友接宏農腹心重寄虛前席時純皇帝

朝後不久旋卒骨肉危言動九重誰識老臣憂國意屋頭猶挺

後彫松

祝秀才百五家食河豚作

千錢市鱖鮓百錢市薑桂言尋素心客聊作首春會是

時春江正上潮軟浪若席鱖鮓驕年殘春首况無雪厚

味腊毒人偏遭嘉慶九年歲甲子我食河豚危不死主

人行觴忽中止去品澄江一江水是日河豚雞犬食之有死者而客無恙也

登君山望靖江泰興諸縣作

江波寬處突一山水勢壁立山彎環潮平風靜三百里

極目不到金焦間焦山長老誰能待時僧清恒約遊焦山我跨石

龍思過海卅年前客無一存只有馬馱沙未改樓頭關  
牖看入荒落日正照滄溟黃雲生雲滅爾許忙來日飛  
雨今宵涼

小塔巷訪李秀才

浮圖七級小古巷一條斜雁塔長安里牛醫叔度家樞  
疎書格補粉暗畫屏遮

秀才工書畫

欲歛年前客剛來載酒

車

三河口贈李明經攀第

結屋欣從里社前水寬三尺枕書眠江分舟楫春申浦  
學仿盤孟夏甲篇綠字赤文饒古簡紅螺紫蛤刺閒田  
丈夫事業原難盡莫注蟲魚踵昔賢

更壽詩續集卷一

三

雨中自東汎抵烏溪口

卷施高閣中霖雨已十日却買一葉舟遠從東汎出蜀  
山中復斷林影半明滅鷗茲成陣起孤客轉淒絕夜半  
湖口風衝波向船笑

剪湖至夾浦

北風利如帚掃此天半雨崇朝變飛霰雲外白千縷遙  
山成墨色缺處隱孤嶼萬頃盪朔風鴻飛已無序蘆汀  
停一半雙翅濕不舉衝岸帆影來啾啾感羈羽

長興贈姚茂才樟

肯被人呼作里儒三倉研後賦三都經沿杜預春秋癖  
詩入張爲主客圖二月雨聲偏雜雪一州山影總環湖

爽心亭畔談心處是日陪遊城西爽心亭多半花魂已欲蘇

長興懷古

萬頃湖波一葉通落帆剛值妒花風吳王沼有烹殘鱸

越國山留鑄後銅幢古尙傳唐大足殿荒不祀楚重瞳

卞山神卽項王今廟已圯三長王氣都銷歇剩得靈濤響郭東

與邢大令澍話舊

判案方停靜掩關繁區偏覺一官閒夢縈鄧艾懸車道

大令家陰平水接鴟夷放艇灣訪友我會乘下澤著書君已

有名山素心海內應無幾早許煙波遞往還

二月二日過湖州城外

道場山外路一半社公祠五夜喧歌吹三堤颺雨絲病

夏夔詩續集卷一

四

嫌蕉葉滿寒覺杏花遲入夢先振觸猶疑負米時丙申秋負

米經此垂三十年矣

荻港舟次近構呂仙祠香火頗盛

卅里吳興道沉沉雲水鋪乍烹新翦韭猶有未芟蘆近

詡神仙宅爭趨里俗儒社公殊寂寞燈火塞他途

長興遊城西地藏殿并上爽心亭遠望

乍歇濛濛雨芒屨趁午晴水周三郡綠山放一痕青地

迴天風峭人稀士偶靈小桃仍未蕊危坐此孤亭

新市道中

一鎮千帆集波流四面通鄉看界吳越橋欲認西東半

殿祠風伯全湖蠶雨王陰晴仍未定夕采門青紅

將至黎里道出石門喜晤嵇大令承烈賦贈二首

五湖近作煙波長百里來尋水竹居失喜故人新宰縣  
不妨退士暫停車虛名自愧羊公雀公論羣嗤華子魚  
記否別來遊跡遠枕戈三月住穹廬

東華門內書千紙西子湖頭醉幾場絕域山川曾著錄

故園松菊久拋荒交情隔世勞重訂余蒙 思不死  
自號更生故云

官况經年許飽嘗却羨宦程無百里桑麻影外卽家鄉  
卷施閣卽事

葉花黃處入窗舒金石千通萬卷書做得小樓東面好  
七層塔影上階除

飛觴準待百花朝玉蕊飄香紅杏嬌擬向北街招老友

更生齋詩續集卷一

五

趁晴曳杖過斜橋

十年記住層霄上萬里曾窮西海頭九地九天都歷徧  
不妨此號謫仙樓

纔從小閣門溪茶却訝春陰暗絳紗紅燭兩條人著史

時方編西  
夏國記破除今日不看花

卅載東西卜宅忙此回居始傍官牆三遷心跡勞賢母  
便合焚香禮北堂

誰說心情老易驕算年筋力勝垂髫樓前奇石時時拜  
不向人間更折腰

青山莊圯亦園荒來雀蒹葭境渺茫要向市廛尋隙地

微泉閣外澹香堂

栽花纔了便疏渠深澗游鱗樂有餘我亦與渠堪合隊  
九重天上放生魚

自石門放舟借嵇大令承烈至海甯安瀾園久憩

一園已占州城半水復占園南北岸門前海色訝混茫  
樓上雲光莽凌亂入門石砌高下分空腔老樹多嚇人  
山禽尙咒昨宵雨水鴨自占回塘春竹聲初歇松聲起  
蒼鼠導人行半里貪看奇石過溪坳不覺古梅橫澗底  
樓臺半出倒影中面面總與波流通迎風千葉瑤草綠  
零露一谷山茶紅鶉鴉兩兩春城上似怨杏花猶未放  
照夢波光遞淺深合歡窗影頻惆悵一園百折勞幽尋  
所喜客蓋稱知心扁舟已挈向生笛此地合彈中散琴  
半酣逃席人誰在一尺夕陽勞久待且容醉醒憩北窗  
更理心情看東海

水仙祠

心香一瓣到應知入世襟期出世姿欲報早春花事好

靈潮先撼水仙祠

出海甯城東登塔院看潮

曲江濤頭天下奇此邑還居曲江上晨昏信早一二時  
詭譎觀真萬千狀靈符昨到廣利王十萬水族推潮忙  
甯惟日月色黯慘亦覺天地同回皇前驅已過尖山頂  
塔上客來爭引領須臾濕霧城頭滿四面人家陷成井  
齋心半日心已平不以目視以耳聽空中倏忽地輪轉

夢裡笑兀天山傾潮萬衆都緘口拜浪羣神亦低首  
天帝分明呼吸通海山忽覺低昂久陰晴半刻驗未眞  
天水一色光難分忙時仍閃赤白電高處欲逐青紅雲  
前潮甫過後潮續至小濤頭亦千斛山樓一一驚沒春  
水府明明難駐足潮升潮落曾幾時白氣一縷中如馳  
星芒幾點險欲落塔影七級危難支君不見丈夫懷抱  
居然別俯仰隨人究何必不逐回潮東向奔世間惟有  
西馳日

### 回舟泊長安鎮

海甯稱四鎮古諺賤長安舊諺四鎮分富貴貧賤長安鎮宋元時爲優人所集故里俗皆賤之今習尙已改又荆襄米舟抵者率皆聚此生聚較前百倍焉近覺煙波窟偏欣

更生齋續集卷一

七

粟米寬越波輪萬頃西湖水凡漚海甯等數州縣楚艇集千竿今昔

居然異攤書枕上看

過嘉興城外感舊作

垂老驚心歲月遷扁舟重過此湖邊鶯花夢憶三春上  
煙雨樓登卅載前客喜客金身首隕烏憐屬玉羽毛鮮

鄭公清德居然異謂鄭贊善虎文一世從無郭外田

崑山訪亭林草堂及傳是樓故址

一百年前此縣中居然甥舅擅宗風甘陵植黨分南北  
高密傳經析異同舉世共推黃髮叟全家吾重黑頭公  
重來何止茅堂圯萬卷樓荒蔓草叢

吳門遊憶謝園書事

乍放辛夷未落梅，曲廊深館更徘徊。但今已息生前燄，  
不怕重然死後灰。久宦總難填欲壑，多金聊復飾歌臺。  
聖朝畢竟官方飭，戀棧何曾恕駑駘。

江陰憩廣福寺偶成

幾年重復到茲方，感事先登選佛場。不礙董龍能富貴，  
果然孔雀擅文章。朱門客散今無影，黃歇山空夜有光。  
我向廬江尋小吏，豈容千騎說同鄉。

再跋佩珊女史繡餘詩草

白髮詩人上玉京，謂許寶善侍御詞壇今屬許飛瓊。豪  
吟偏欲關身世，積軸翻嫌錮性情。大海魚龍呈幻景，滿  
溪鷗鷺訂幽盟。自慙何福承拈線，不繡平原繡更生。冬

承親繡荷囊  
及詩筒見寄

更生齋詩集卷一

八

朱家角訪王侍郎昶賦贈一首

朱家角口落帆遲，五載重逢慰所思。碩果近看餘一老，  
削瓜早見歷三司。百千著錄偏能記，門下弟子最盛八十研經  
不廢詩。却望西南洗兵馬，快談不覺更憂時。

贈施布衣希閩

七十才名施小愚，靈濤仍向筆端驅。此回眼界原應豁，  
一個詩人一巨區。

崑山登文筆峯回憩花神廟作

蠟屐重來叩佛肩，山光不夜已冥冥。探奇絕頂雲全墨，  
語怪空堂燭半青。久雨半城籠濕霧，回風四壁走精靈。

童年舊事仍能憶傳是樓繙漢石經丁亥春初訪從叔縣尉至此曾借戚

徐某一登傳是樓

澱山湖舟中望九峯作  
茲方稱水國江海皆在左靈明萬頃湖偏容九峯臥雲  
紅垂十里白鷺飛一箇漁舟來對面正翦碧波破却趁  
落月輝初更挂帆過

湖中值雨

湖龍只居湖不復入滄海龍居最多兩白晝雲鬣颯愁  
霖已經月星日悉韜采舟行不到處赤鯉飛作隊意欲  
喚網師漁人竟何在

舟行卽事

更生齋續集卷一

九

一樓四面窗面面臨曠野老蛟能變人時來嚇居者  
漁舟女梳頭髮綠垂水面正欲避日光曉霞來一片  
人傳赤鯉魚大半是龍子我欲烹鯉魚畏龍噴復止  
社公生日過香火仍不斷簷桃開一枝先與社公看  
將抵上海先柬吳祭酒錫麒

小艇偏愁逆浪衝野雞墩外影濛濛欵牀短夢驚檐馬  
出海濃雲裏雨龍濁酒縱斟難博醉遠書欲寄更開封  
吳郎消息仍無定閒把燈花卜客蹤

客中憶崔三景侃病

却跨班騅憶陸郎記同情話向閒房多時舊夢堆花幌  
幾日春心艷海棠石筍反肥林竹瘦山霞何暖水雲涼

調劑莫向庸醫問寫寄仙人海上方

題元人畫幅

新月天邊已挂弓池臺面面有春風紅襟翠袖都無恙  
對住黃雲一抹中

更向門前築釣磯山風養得水雲肥深紅不艷深黃艷  
菜甲花開蝶四飛

一春心事鎮懨牽自在山房自在眠不掩合歡窗兩扇  
曉霞紅到枕函邊

忙裏偷閑尚讀書風來頁頁卷還舒居然一服清涼散  
不啖荷珠卽露珠

避俗仍居雲水鄉下安琴榻上雕梁雙棲燕子孤眠客

一室權分上下牀

更生齋續集卷一

十

絕壁居然刷小橋半春橋外影迢迢一層夜色一層月  
更有一層花露嬌

日午隨人上露臺雨邊鏡影自徘徊春衫花氣薰偏重  
却惹遊蜂入袖來

飲澗投林任所遭無端生趣逼枝梢朝三暮四狙公栗  
春半秋千燕子巢

小築居然占小洲綠楊門外碧波浮防他艇子衝波去  
不畫春江在樹頭

難平一尺愁中浪易買三峯畫裏山看罷海天斜日落  
樓頭半月已彎彎

江行卽事

戲完蘋渚戲蘭橈一隊銀鱗不過橋要與海魚風味別  
去潮不逐逐來潮

留館也是園作

三度來遊候不同者番剛值軟東風龍拖急雨歸天外  
燕掣新愁餽閣中老去已慙花似錦醉來各吐氣如虹  
政生畫筆林生句頓覺園林氣象崇

讀李觀察廷敬六十自壽詩率呈二首

不及歌筵逐眾賓遲來剛近百花辰平安可憶狂書記  
余未第時曾客君署脫略忘稱舊部民天上大撓推甲子人間小  
歲守庚申君以小除日初度松枝隱背松花食早與長源作替

更生齋續集卷

十一

人

居鄰北海官東海守歷三州轄二州

君自常州守歷移江甯蘇州兩首郡

擢兵備松太

自壽百升新釀酒家傳萬石古諸侯

君昆仲皆官監司郡

守刺史

寒梅正有霜中信仙侶都來天上頭

謂祭酒吳錫麟等絳

蠟四圍紅袖兩使君觴政本風流

上海城隍廟

欹斜半里中奇石散如馬空羣縱未盡驚下益已冥馬  
驚人立石亦同作勢欲落波濤中君不見人間頑石尙

點首莫逐回潮向東走

春分日李兵備廷敬招同南園雅集聽俞生彈琵琶作

東邊西邊發杏花推手却手彈琵琶琵琶聲繁杏花放

一朶驚開酒筵上，琵琶稍略琵琶聲。多腕底欲養三春和，  
淩淩歷歷珠跳波。蕭蕭瑟瑟風捲荷，琵琶聲漸緩，琵琶聲促  
驚落一聲天上。雲山禽一步復一啄，啄得空階響如爆。  
琵琶形製亦絕倫，多年蝨已成車輪。麻姑仙爪借彈過，  
面上略餘纖指痕。客家圓柳尖山口，豈特嗜音兼嗜酒。  
收得新聲月已飛，杏花枝外仍垂手。

贈楚僧鐵舟

十年前事最難忘，雲水閒僧值武昌。避俗不妨居北郭，  
悟禪偏欲繪西廂。何嘗成佛輪靈運，未肯持齋學太常。  
醉向石闌揮數幅，張顛書畫本來狂。

重抵吾園贈主人

東齋詩續卷二

十一

遙天纔覺掃陰氛，入望林嵐總不分。大海瀾回飛紫電，  
小樓簾捲落紅雲。花驚自逐黃蜂隊，雀瘦猶欺白鷺羣。  
殘臘訂交今隔歲，不妨留我坐斜曛。

十一日偕同人雨中集吾園，改山人琦復攜影蘭女史

見過率呈二絕

紅闌千外雨瀟瀟，趁雨還過獨木橋。不住鶉鳩花底喚，  
似言明日百花朝。

豈止閒房集素心，尙同野鶴步苔岑。美人怪底能行雨，  
惹得春泥尺一深。

花朝日偕同人至閘口訪瞿舍人秉虔賦贈

門前新築釣魚磯，却趁蒲帆款水扉。一院雨聲紅燭瘦，

滿溪雲影綠波肥花當生日開仍斂客號齊年會轉稀  
笑我短衣西戍日此君先已遂初衣

舍人庚子副貢

花朝日鷗波池館卽事

半春何事尋春忙遠挈舊侶來茲方緇衣綠衫間朱履  
更有紅袖相扶將鷗波池館波流繞一路語聲吹不了  
製齋親自護桃杏築塢先看住魚鳥大風吹海海紫瀾  
海勢欲捲門前灘樓頭仙客正高詠天外惡浪堆如山  
三更尙欲留清話惡浪乍平帆可挂鐵舟開士明日來

好補閒人入圖畫

時方繪花朝雅集圖

吳淞江夜泊

三更風生棧一港月沉采開門欲逐呼婦鳩海色斜飛

更生齋詩續卷一

三

半簾水吳淞江接黃浦江舟子一路歌吳腔春林陰陰  
勒帆任頭上杏花開半樹

十八日招同人至艤舟亭小集

條風纔染綠楊枝木筆爭開洗硯池半畝水光梁燕繞  
一春心事杏花知南樓雨暗更初急東海雲濃月上遲  
明日挂帆江口去草薰波暖惹相思

舟行宣城道中

挂帆早發南湖口厯盡千村水楊柳村村楊柳村村風  
雞犬靜默知年豐午餘偶泊江干埭高閣偏同柁樓對  
紅窗幾日費翦裁袖底一樹桃花開

晚泊水陽鎮

夢中聽雨醒復晴柳外蟬螻花間星黃鸝百舌相對語  
寒食天氣須冥冥踏青女伴嬌裝束鬢不堆紅欲堆綠  
濛濛柳葉簪髻旁別插數朶蔬花黃

寒食青弋江舟次

前年雨寒食轉得晴清明去年寒食霽上已反不晴幽  
蘭露點茶辛夷花製餅只有故鄉人能諳故鄉景蜀岡  
岡頭訪名花大鄣山北採嫩茶閒情別有鶯燕識江南  
江北殊春華今年逸興遊難止看海初完涉江始雨餘  
殘月鬥幽黃夢後野花成艷紫一舟稜稜拓四窗曉帳  
尙復挑銀缸帆張百尺槳打雙聊記寒食來春江

二十三日山館看桃花

更生齋詩續卷一

古

千聲碧玉簫九曲紅欄橋主人家居溪水均約客日晚  
看山桃妖紅幾樹山窗下薄命東風事游冶除却瑤池  
與武陵小桃可有長年者爲花歎息花已知花亦顧影  
矜多姿君不見花愁飄零月愁缺短命桃花下弦月  
清明日宿甯國學署早起

敬亭山雲飄入房遠近折柳聲何忙推窗花色復迷目  
紅紫下襯蔬花黃浴階鶯筍時時拆砌下草生何鬱勃  
尋春甯止鶯燕忙破曉巢禽亦先出山光一層雲一層  
缺月未落朝曦升尙嫌花氣未全暖高處復倩紅霞蒸  
看花人老猶能健可惜好花都背面凌晨欲出戶尙扇

一畝紫苔先踏徧

是日同人登北樓

一樓三面菜花黃杏蕊飄紅柏葉蒼二月雨多遲遠望  
六朝山古易斜陽朱方我尙思丁夏絳縣人誰識亥唐  
時喜晤戴文學某自笑客懷同海燕每逢春半便辭鄉

廿六日琴溪雨中值同年魯太守銓

獨跨一驢盤石磴忽逢五馬返江城使君兩立官途左  
待我詩從驢背成

琴筍琴茶貯滿盤仙人爲備客中餐翻憐赤鯉魚先去  
不及橋西訪釣竿

檢得屠刺史紳所寄詩追輓一首

故紙重緝百感興卅年前事杳難憑閑情究累韓光政

更生齋詩續集卷一

五

醇酒先亡魏信陵會記竺中重九讎未忘燕市上元燈  
詩人循吏談何易一著終當讓義仍  
君生平慕湯義仍爲人然作吏傷于不及

偶成

猿臂北平善射貝齒東方讀書名將更推不識侍臣誰  
及相如

龍頭龍腹龍尾三客分成一龍固知才有大小合作南  
陽葛公

延芳書屋看牡丹有懷張太守鳳枝

延芳書屋此重遊積雨初晴露未收小苑風光偏綺麗  
大方顏色不嬌羞十分春向枝頭膩千瓣香從幕外浮

誰識靜中開落意有人腸斷綠珠樓

書更生齋壁

半生遊名山垂老戀鄉曲遭逢有通塞懷抱本殊俗好  
花方悅志飛鳥已過目三萬六千日嘗苦遊不足何止  
惜分陰仍須秉明燭

更生齋銘

一變之味精于五侯容膝之室寬于九州居下易樂居  
高易憂尻輿神馬於茲少休

度箬嶺

雷聲西北厓客行剛對面春衣不沾濕時落雲一片黑  
霧欲迷人欣飛谷中電

萬福菴避雨

茶菴當孔道暫此避炎蒸風引劈空雷雨驚入定僧水  
泉飛百道竹屋響三層何事經帷內仍懸隔宿燈

將抵吳公壁急雨

孤峯無十仞雨乃積百斛手劈上嶺雲思從下方宿暝  
色又已來依依巖候雙燭

長春山館夜宿

四山深黑處中有一峯晴瞥見茅菴突孤懸落月明水  
聲穿樹窄石勢壓樓平祇覺高寒好看雲滅復生

吳公壁阻雨二日

萬聲隔戶總不聞時戶外寓客叢雜徹夜有歌吹聲滿耳祇覺飛濤奔

飛濤三日響不絕風急入夜仍敲門昨來笑我南行駛  
誰信春衣薄如紙林禽亦復不耐寒穿屋東西噪難止  
風聲水聲排一闕行客却步難躋攀須臾松勢盡東靡  
一水倒流仍上山閒房客到誰復省嶺逼檐低如坐井  
君不見四山無雲日韜景各有飛泉冒山頂  
二十五日行至許村稍霽

山山春雨晴嵐翠淨如洗懸流驚斷渡迂道行數里山  
果欲熟時深林鳥聲喜

豐口從竹簞渡

十竹貫一繩載客乃六七高低懸十旬直下祇一瞥飛  
瀑厓上來篙師頂先沒

更生齋詩集卷一

七

行抵巖鎮方博士如川館我于鷗光精舍卽席賦贈一  
首

閒中相訂已經年館我豐溪潁水邊鷗鷺有光飛徹夜  
松杉倒影入層田典林近欲衰千則釋菜今看補一篇  
他日曲臺如問禮巷名何愧叔孫先

所居名  
先生巷

抵洪源舊居贈從兄嘉鳴

莫笑頭銜已盡刪尙欣生入玉門關身隨豎亥東西步  
家剩淮南大小山骨相總同前度瘦心期誰似此翁閒  
天都采藥如同往

兄醫道  
最精

定挈黃芝白朮還

與族子仁夜話

卅載重逢有鬢絲離觴入夜酒難辭杜陵已覺從孫少

時從孫太守樸中 王濟猶嫌臣叔癡笑我半生甯暖席

翰榜均已下世 感君三復致危辭琅玕補種非無意他日還來拂故枝

### 洪源謁宗祠

連峯中斷處剛見月華東 祠前卽月華一名司空山以入世從祖恭靖公長工部時

得 開寶風原古 自唐開寶時始祖諫議公為宣歙觀察使始家于此 忠宣派尙同

鄱陽支亦 從此遷 水源分大壑山勢表司空只惜書聲少還愁

### 減素風

### 雄村上先冢

雨霽飛濤浦雲迷秀麥天我尋先世壠人指大同阡骨

肉分三地松杉合百年一篇循吏傳誰可繼前賢

峯山渡并登小南海久憩

更生壽續集卷一

支

峯山渡口夕陽流兩岸人家總若浮澗水忽然高十丈

三層樓上入扁舟

中流一嶼水濺洄驚鯉斜飛浪百堆七十二鱗皆紫色

十年蕭寺聽經來

潁水濁歌 豐潁二水皆出黃山而清濁各別至巖鎮東乃合流戲作此歌

淮水濁潁水清淮頭潁尾怡我情豐水清潁水濁一澗

雙流娛客目潁水清可濯纓潁水濁祇濯足却比滄浪

多幾曲君不見一峯昨向黃山傾 昨因積雨黃山一峯忽把壓斃數十家用

及驚流百丈不得平潁水愈濁豐難清

夜宿古寺讀山海經作

閩徧山經復海經總愁伯益未能名幻來色相都無著

見慣靈奇亦不驚  
螭魅歲多偏解語  
觸體宵半卽飛行  
先生欲續夷堅志  
好趁神龕燭半明

捕蟬行

一蟬響一枝十蟬響  
十柯閒開四面窗  
蟬響何其多餘聲  
尙未到別樹黃雀笑  
來將汝捕微蟲  
雖小響未沉尙向黃雀喉中尋

賣兒行

賣兒女供耶孃人價低穀價昂  
耶孃飯未足幾處拋骨

肉

土豪行

爲土豪傳兩代忽值歉年糧價貴  
糧價貴競攘糧攘糧

更生齋續集卷一

十九

共向豪家藏君不見豪不攘糧  
糧滿屋攘者出門豪入獄爲世指名  
先就戮得禍亦奇冤亦酷

讀吳次尾見山樓集

舊居何處見山樓  
客到荒村馬亦愁  
防亂檄驚吳次尾  
讀書功過賈長頭  
獄成西市多僂伍  
黨錮東京作輩流  
太息青溪兩生廟  
藻蘋同薦竟無由

卽景

荷花世界水生香  
隻影先看下北塘  
畢竟艷情忘未得  
白鷗都欲覷兜央

程園紅豆樹歌

在巖鎮

何年爲植相思樹  
挺榦入雲雲亦妬  
海南春色到江南

挈得羅浮蝶無數花瓣白花心黃過嶺尙帶雲霞香君  
不見花間仙蝶時兩兩只少蠻中鷓鴣響

將別洋川書院留示諸及門

三度洋川感歲華問奇差喜得侯芭詩懷半敗催租吏  
經學全輸賣餅家夢到者番山徑熟波回之字水程斜  
心情幾日難爲別且進門前載酒車

四月十五夜起坐山樓看月

人家多住白雲鄉燈影齊收露影涼念念此時都已宋  
空明水與月爭光

自琴溪歸里頻日趙兵備翼方大令寶昌聯舫約觀競  
渡率賦一首卽和兵備原韻

琴高溪前雨糝糊銀林壩頭啼鶉鴉客行時復問來艇  
競渡消息傳聞殊蠡河橋畔忽狂笑龍尾已揭龍身趨  
初三國忌初四雨初五淡日泥金塗遂令畫舫塞河滿  
幔曳五采簾垂珠官河見舫不見水萬艇直接三橋鋪  
三龍出水各遊戲東龍青色西龍烏層層幟髮遍天半  
一織竟比高浮圖誰憐霖潦及五月三田之麥半已枯  
朝來入市糴斗米案上三百攤青蚨民之蚩蚩竟何意  
飯可不飽船先租白雲溪接北關口夜半月出猶歌呼  
水嬉六日費十萬五坊質庫錢已無諸公半有牧民責  
俗奢示儉當何如我今責備所不到露體久已成農夫  
雖然瓶罄亦須恥遣悶聊爾傾百壺君不見三斗五斗

酒可沽千聲萬聲兩脚粗雨龍天外忽飛挂水中龍畏  
真龍乎

蔣二廷曜幽居圖

十年爲吏走風塵夢醒仍餘自在身溪上夜烏應歎息  
紅顏都作白頭人

薺菜挑殘三月三閨中病婦亦攜籃山亭無日無人到  
煮茗時爲世外談

苦雨

一椽前後枕幽溪三日林鳩不住啼纔展八窗看曉色  
雨聲南北電東西

水明樓外水周天樓上依微入爨烟霽雨滿街人不到

夏全壽齋集卷一

主

一雙鸞鶴對牀眠

十七日雨同人欲至樣舟亭不果回集天井坊至二鼓  
始散卽席贈楊太守焯

偶乘佳節返江鄉畫舸欣聯水一方芳草門雞盃共飲  
美人換馬曲難忘纏頭不惜唐江夏強項偏追漢洛陽  
誰道使君心似鐵呢他紅袖捧離觴

寓齋望雨

日日莓苔減綠痕小樓望雨自晨昏西南風急移龍陣  
不向江干向海門

五月廿九日欲至能仁寺訪趙舍人良霽迷道不得達  
回途已大雨矣却寄一首

風聲初密雨聲疎三里來尋靜者居松翠到門零欲盡  
電光入壁走偏徐然藜正憶劉中壘飛瀑先驚李左車  
一尺水深歸未得欲從山店買疲驢

賦此

雨花岡外風千縷散作莫愁湖上雨湖頭乍覺收飛電  
咫尺蔣山新月見陰晴涼燠倏變遷入座行客先添綿  
闌干十二回風急湖浪居然半空立酒酣思膾赤鯉魚  
却有魚艇風中趨雨師風伯怒不止謂我私烹赤龍子  
憑軒幸我酒陣堅風雨轉戰仍難前酒杯初放茶杯接  
三十六峯雲霧疊隱仙菴遠不可尋欲喚道士彈鳴琴

更生齋續集卷一

五

是日欲至隱仙菴訪道  
士王清真以雨不果行  
鳴琴無聲雨聲代急響迸從波  
上碎文禽花鴨隊已分一林昏鴉復逐人僧雛一半野  
如鹿僕從懶散如羊羣棋收一局詩千句難得三江酒  
人聚三江詞客別十年意外忽與同酣眠酒人思歸天  
亦黑小市燭龍多似織君不見出門百步望始愁急浪  
正擺三層樓

笑友人問近狀

得歸纔得卸橐韉桃李迎門恍欲言從此却添閒富貴  
蛙真給廩鶴乘軒

口占題莫愁湖

神仙富貴分頭占一箇茅山一蔣山只有斯湖尙公道

英雄兒女總相關

夜半發燕子磯

燕子磯頭三百舟夜深齊欲趁東流懸屋閣上西風起  
盡挂征帆出蔡州

偶成

海外仍傳箭天南未洗兵祇期中歲壽準望泰階平昔  
夢烏頭白新歌魚尾頰如閩叔孫媧所死有餘情

中秋日李兵備廷敬邀同吳祭酒錫麒祝編修堃趙司  
馬懷玉林上舍鎬儲上舍桂榮改山人琦暨鐵舟上  
人吳淞江泛月至三鼓始返

更生齋詩續卷一

三

趁潮落吳淞江頭尺五潮明月影與波光搖一輪端正  
出東海已有百萬魚龍朝鷓鴣鶴鵝隨波沒復有驚鱗  
浪中突却舉空中酌月杯柁樓先餞西馳日天光收入  
江海光天末一綫餘斜陽二更風定月逾皎霞采月采  
搏深黃萬聲出郭何稠疊一笛迎風擘聲響惹得吳淞  
百斛舟四圍波面鋪如葉吳淞江接黃浦江拓徧十二  
玻璃窗酒兵險欲與潮鬥拇陣未肯隨波降狂來別逞  
談天口亂吸山陰百壺酒左欲持螯右拍肩傳杯合倩  
旁人手欲落未落濤頭青欲歸未歸更鼓明諸公果爾  
發高興喝月且使空中停陽侯亦解欽詞伯擘浪分風  
送歸客君不見歸客秋窗自在眠月華正向樓頭直

十六日瞿舍人秉虔邀同人集鷗波池館夜久卽留宿  
齋頭率賦一首

依然半間舫仍挂昨宵月孤客醉未醒潮生復潮滅山  
雞啄粟味最腴堆盤復進海大魚座中林生樂有餘說  
鬼已了仍軒渠虛窗客散無餘事插架奇書自鱗次半  
晌齋南學坐忘一廬秋水人間世

十七日吾園小集聽鞠叟及俞生對彈琵琶

吾園水屋敞三邊客倦時時許醉眠絕似萬松塘外路  
一雙飛瀑落檐前

天寶開元法曲高雲雷平地起檀槽夜郎詞客飄零久  
淚點從前宮錦袍

更生齋續集卷一

五

十八日黃浦江上喜晤鄭侍御激率贈一首

看潮偶集浦江東廿載神交半刺通久客想因吳地鱸  
遠人知避鮑家驄猶憐到海身如寄誰識回天術最工  
今日 聖人求治切願公莫更作冥鴻

春江花月詞爲田汝苻作

郎持篙妹持楫人與花皆並頭立天邊月一鉤江上舟  
一葉春江候潮郎候妾百花生日開花筵誓心歸郎耶  
亦憐坐上客與傳紅箋花生日到潮生日花謝水流入  
已別嗚咽秋江半江月春江潮秋江潮潮有信人無聊  
禱潮神神乃喜欲迂徑寸珠須憑一雙鯉春潮反急秋  
潮緩莫謂相思天不管月與珠光同日滿南去謝鯉魚

北去謝蹇修趁此花月夜更會春江頭君不見大潮生  
日纔通信更待百花生日近花下與郎時問訊

題雲間女史張嬾畫冊

小閣三層淑景賒寫成荷葉倚風斜詞壇合喚張居士  
畫是名家品大家

十九日避酒出南園林上舍鑄復招同改山人琦湯布

衣威暨令子詡至春風樓痛飲三鼓乃返

酒人逃席思出遊

是日大令蘇昌阿招飲未赴

半道客復相遮留醒

談畢竟不能樂一笑更上春風樓玉壺山人改七蕪舊  
侶遠挈南園湯故人有子如我長樽前喚出爲奉觴半  
樓斜陽半樓黑一市人看座中客非絲非竹非鳴鉦頗

更生齋詩續卷一

三五

訝歌聲出金石

是日各誦自所製詩

此行十日醉百回覆袖何止

三千杯秋花如拳亦怒開花色却映黃金壘酒人相持  
一何苦江上濤聲已如虎臨波故擾鷓鴣眠上嶺復爲

鴝鵒舞三更不歸入四更籠燭道上無人行君不見酒

人中酒亦易醒臥聽絃管喧平明

縣署謙容徹曙甫散

元人白描揭鉢圖爲李同年廷敬賦

我疑九子母亦是果羸蟲化生一萬兒其么最稱雄人  
生不怨乃如此飽啖人兒愛親子一齒牙中嵌一兒啼  
聲十萬喉中死居然彼教生慈悲飛鉢乃壓魔王孩拋  
天鬼勢揭不得鉢上似鎮山蓬萊世間蠻觸何能算笑  
看魔王法王戰鬼兵噴霧高若雲一座須彌色昏暗蓮

花臺上升朝陽鬼頂盡復燎神光鬼兵卸甲鬼母哭一步一拜馴強梁君不見降魔不獨西方教我亦有方除鬼道俟彼毒口開施我障眼術所啖一萬兒均係魔腹出魔兒食盡母始知卽借魔母除魔兒魔種旣絕人種滋不然亦使魔兒一萬化作獍與梟養成羽翼返舊巢鴟鴞食母獍食父鬼母寥寥哭聲苦

出郭見秋成有望喜賦

半秋憂水潦忽爾報豐穰我喜同鴻雁仍能飽稻粱未知來日促祇覺去年長笑指黃花句能容醉幾場

九月三日偕朱比部文翰昆仲放舟至唐文襄讀書臺兼訪李秀才述來卽席作是日值余初度日

五里迢迢此問津讀書臺訪許東鄰偶浮篋舫同飛鷁閑看萍花漾隱鱗山叟暮年忘甲子水仙初度憶庚寅兒童拍手緣何事笑指風前墊角巾

廿三日雨中天甯寺僧了月約至淨室浴歸赴友人持螯看菊之約

雨中約我清池浴九月溫湯泛寒菊浮波更有艾葉香道士遠寄仙人方齋心危坐歷日午四面雨聲喧若鼓僧厨不足饜老饕歸漉新酒持霜螯

何所行樂十六章

甲子冬孟將遊狼山道出邗溝友人方孝廉本儲明經潤書韋進士佩金宋博士葆清等日偕出遊皆三

十年前老友也臨別爰作何所行樂十六章以贈之  
何所行樂邦溝北門堆徑黃葉生理酒人餘子尙醉壚  
頭凍春客欲作歌餘聲忽吞

何所行樂平岡西頭病燕不歸仍巢小樓澗水十折時  
而不流一板作橋狐狸出遊

何所行樂荒翳蘭若酒人思看攀樹及鵲喬柯徑登半  
苦脚弱閒調僧雛亦足嗚噓

何所行樂舟行水瀕銀刀漾雪膾此錦鱗紅橘滿樹食  
之生津踞地不起言披土菌

何所行樂城東竹林澗別廿載寥寥素心鬼有新故人  
無古今促膝醉眠軒聲鳴琴

更生齋詩集卷一

七

何所行樂踏波深渚谿喧獺飛忽已上樹干尋藤蔓挽  
客欲住燐燈嚇人集袂無數

何所行樂人皆不知閒披墳蘿按尋古祠一樓傾欹柱  
半不支鼓勇直上危扶柏枝

何所行樂迎神下元神輿參天儻從古冠靈旛颯颯風  
露亦酸時有影響出乎深淵

何所行樂曲房琳瑯赤日未暗千鐙轉廊楚女膝席時  
呈一觴短歌非短長夜不長

何所行樂行酤市橋不速之客來如猿猴箏琵琶絃索間  
以玉簫無須利市時詠大招

何所行樂快登浮圖茫茫四圍淮江海湖出沒洲島參

差楚吳望中金山小如玉壺

何所行樂狂升蜀岡生駒放青倒牽石羊斷碑稜稜劈  
作界墻林鴟笑人胡不舉觴

何所行樂董相舊解千齡瓣香十日廡下更生橋居廣  
川學舍前無古人後渺來者

何所行樂曹家選樓同時寓公邈焉寡儔

謂黃仲則暨余伯扶昆仲

今晚芳明經今並下世停雲八表歸骨九幽我思其人憑軒涕流

何所行樂披尋古書閒攤冷巷疊壓十厨鈞金卷石按  
及五銖里姥怪間疑爲賈胡

何所行樂狂書百綾頗恥繆篆惟宗召陵老友末疾

謂錢

同年拈得風疾後以左手作篆尙工今賣字爲活運以左肱雖嘲插標實欽引

更生齋詩續卷一

天

繩

抵維陽寓董公祠十日

得歸仍擁舊頭顱又向邗溝訪釣徒有愧更生劉子政

無妨重拜董江都百年能作幾回客

三十年前曾寓此敗壁尙有舊題

六日喜看三泛湖笑我不窮仍不達留題曾學碧紗無

自平山堂算歸諸生復約過梅花書院感賦一篇

草元亭側樹婆娑又感諸生載酒過第一巍科須手搏

九千奇字罷胸羅翁思久作刑餘叟劉秩誰呼曳落河

多謝故人勤慰藉更番新調當離歌

道中阻風前後三日

急浪衝舟三日停寒蘆葉葉起荒汀阻風中酒偏堪慰

寫滿牀頭廿卷經

時自寫左傳  
註定本適竣

同人詣上方寺看黃葉

月出上方寺冷照宮門斜炊煙簇高橋寥寥幾人家林  
葉未盡黃斜著萬點鴉綠垣從東頽半藉松竹遮屈指  
秋已殘古冢尙作花莓苔何青青蝕此窗上紗寒序氣  
轉溫仍響澗底蛙閑僧伴勞蹤坐久乃喚茶同儕欲遣  
歸分走路數叉我亦挂席行前塗指星沙

登育又寺浮圖望海先柬韋同年佩金

綏遠城頭薜荔丹兩人同捧救書還誰憐謫宦皆重跡  
偶博衰親一啟顏

君尙有太  
夫人在堂

夢裏烏孫疑鬼國望中黑

子是神山閒從東海尋西海心怯瓜沙萬仞關

夏三齋詩續卷一

完

秦州岳家山謁忠武寺

忠武曾爲通秦鎮  
撫使駐兵于此

少保當年此著勳斷垣兀自起風雲年豐四野雞豚社  
水滿三田鵝鸛羣井邑久迷張氏壘土人仍說岳家軍  
心香一瓣無多祝伴望東南淨海氛

汪上舍文錦才而善病書此以勗之

李華有精思乃賦古戰場李賀有奇句乃貯古錦囊君  
才如二李齒亦適與方惟愁欲嘔心澗此錦繡腸願君  
師顏回終日並坐忘屏絕聰與明靜卽療病方君家令  
弟才是亦雛鳳皇樂此壩與篋升歌間笙簧我才慙子  
雲何能賦長楊他時草元亭時或具一觴殷勤何所酬  
惟當贈凡將

贈岳家山僧鏡臺

少保崇祠外支公此結茅削堤危石齒圓牖礙林梢地  
逼萑苻澤僧時遭劫居同燕雀巢幾時忘世事門外挂蠨蛸

豐利場訪汪兵備爲霖即日留飲北園作

二水環衣帶居然綠淨園地寬雲作陣天濶海爲垣紅  
燭轟朋飲青楊隔市喧與酣歸去晚斜月滿平原

廿一日復招飲韻石山房

三日帆停雲水鄉快談纔了便飛觴海中鷗鷺依人久  
天上星辰瞰客忙白髮繞觀新酒翰素心驚問舊彈章  
時客間已未年事迎門殘月攔門酒不覺先生興益狂

侵曉泊通州南門喜歐陽旻同年見訪

更生齋詩續集卷一

辛

一醉經旬日酣眠髮未梳故人來白下得句比黃初兩  
舫燭光合三橋雁影疎朝飢正難忍同此食冬蔬

自通州南門車行至狼山道中作

偶駕人車出古城飛沙十里走灘聲地因逼海峯逾削  
天許看山日乍晴激浪魚龍偏有勢浴岡草木尙疑兵  
時平故壘芟除盡坐看閒雲滅復生

登狼山絕頂浮圖

直上疑追鶴鶴羣天風響處掃餘氛連山四面圭稜峻  
一埳三州界畫分隔江卽蘇常諸山江海勢寬容隻影東南地

缺補浮雲茫茫百感填曾次且借壚頭薄酒醺

歸途憩雲深處禪院

一山行已盡黃葉四無邊雲亂欲成海石奇爭補天  
泉斜礙足古佛正隨肩知我芒屨倦先邀竹屋眠  
訪唐駱義烏墓

偶訪先生墓閑披老衲關古碑今未泐疑冢信難刪地  
近田橫島雲連黃歇山丈夫輕一死風義凜塵寰  
狼山卽事四十韻

此山當東南一氣走江海桑田今漸漲海勢亦全改連  
山首皆仰獨此頰而迨千秋黃翠赤一一攢礧礧先登  
甯反顧直上級磊磊山腰面平陸擇地想爽塏隨雲升  
絕磴樹古悉疑鬼甯惟僧似攫古佛亦傀儻團蕉亦南  
北倦或一升巖鴻濛瀆洞日到此幾年載白狼居天門

更生齋詩續集卷一

三

昔有白狼居

此山故名

頗復肆譎說多生遭啖嚙視若蛇與虺不

知經幾劫窟穴始無在陽侯助喧豕白日亦匿采荒荒  
匹圍浸今始削成壘螺田蛤田漲龍氣蜃氣餒橫遭千  
頃奪海若究奚辜互疑東溟神攫取巨靈賄遂移斷鼈  
足戴此石層累驅濤罷文種遠迹勞豎亥強梁甯得忍  
奪此乃與彼居人判今昔誰得悉原委百千溝澮洳水  
急潮尙滙冀尋主者問主者色殫殍游移無定說否否  
復唯唯茲來風日好喜值月之亥冬容縱淒瑟春氣仍  
蕩駘年豐羣盜息雨洗衆山靄南閩及西蜀各路悉奏  
凱偏穴勤撫卹百族歌圍闔名區眞咫尺不到空後悔  
仍欣腰腳健扶謝一枝榜遊山先治具羅列及菹醢誰

貽洞庭橘兼致泖湖蟹闌干坐經午時復露檣梳虞山  
黃歇山數點青蒨蕾海門當面出雪浪門晶曜來源看  
萬里直下竟難待思窮秦漢蹟石碣斷按採徑上塔五  
層茫茫問真宰

戈裕良布衣醉後失足敗面詩以慰之

我愛戈東郭平生志行醅醉傾千日釀飲共八仙人時坐

中人邱壑胷中久圭稜面上新何因遇頑石反自點頭

頻

連日汪觀察邀作狼山雒皇之遊臨別賦此志謝

東來客與詎闌珊一日川程靜掩關時值家思閉關一日別舫尙

攜三勝侶謂同年歐陽炳願秀才孫鼎壽上舍故人今贈五名山通州城南凡五

更生齋詩續集卷一

三

山簪裾謝後遊方壯時觀察亦乞養家居岳瀆行完鬢乍班何止

素心勤倒屣最難天亦與清閒

訪水繪園故址

冒氏名園好亭臺劫火收祇應餘逝水猶足悟來遊寺

有談空處園半今作雨香巷池虛繪影樓此行須秉燭方不負

句留

水繪園旁有別菴池館者率賦二首

絃管聲中烏鵲愁百年無復舊風流近來喜共屠沽飲

莫上君家水繪樓

秋樹巷中葉已凋浴堤惟剩草蕭蕭辟疆園裏游鱗好

不過紅闌六曲橋

通州觀海回將詣焦山道出三江營訪湯守備貽汾不值與令弟貽浚夜話卽柬一首

觀海歸來欲住山半程先此款巖關支離客到心偏喜  
競病詩成手自刪半壁雲煙山徑削一江鷺鷥水師嫻  
心期十載交三世擬挂征帆遞往還

自三江營放舟至焦山

江南霜乍落江北葉爭飄風緊劈波駛天空入望遙耳  
傾前後瀑心宋去來潮及到雙峯口圖山手可招  
風水不便夜半始抵焦山

亂帆隨意去一綫水光微到岸鼓三下沿堤葉四飛夜  
潮寒到枕山翠濕沾衣歛戶無人應應知宿火稀

更生齋詩續集卷一

三

顧文學鶴慶繪山水圖寄棲霞僧慧超屬題其首時慧  
超年甫六十又病甚

兩歲不通問訊書嬾殘之嬾當何如昨來偶得江臯咏  
因嬾無何復成病君家跛隤真同心君病鶴亦同呻吟  
鶴病在足君病在腹鶴病煩俯仰君病勞起伏故人愛  
君仍祝君手寫一朵峯生雲古樹怪石雲氤氳海中三  
神山寰內五名嶽君遊未臻一胡乃病遽作一峯拔地  
無彎環此嶺絕似黔中山君能黃金鑄頽頽尙可與我  
同躋攀柔荑灣中不相值聞在幽居臥泉石思君夢君  
何可得展畫空堂閱三昔

法界樓獨坐偶得四截句卽寄巨超僧湖州

危坐法界樓忽值北風迅一雁掠波來遙遙如問訊  
巨公厓畔路曾共巨公遊今日思巨公黃葉驚打頭  
失足墮砌間我醉眠不醒丹楓欲埋人驚飈積成阱  
巨公雖不見今見巨公徒欲上青山頂高瞻碧浪湖  
顧文學寫青山紅樹圖贈方丈僧覺燈卽題其幘

春紅不如秋秋紅復輪冬嚴霜幾陣屋邊墮山果山葉  
皆全紅渡頭人對山椒立十里青山裹紅葉斜陽一層  
楓一層襯得此山紅百摺陡然落筆圖已成心花筆花  
皆怒生顏色欲與霜花爭霜花豔壓山腰重半幅光凝  
如蟬螻照醒蛟龍五更夢君不見君爲北苑僧南能詩  
景寫就貽詩僧詩僧莫忽閒中景領取山前萬堆錦

題如鑑僧秋山宴坐圖遺照

更生齋詩續集卷一

三

池臺多半枕坡陀門外江光似鏡磨一片秋窗紅樹影  
山僧無酒亦顏酡

放生池上憶前年話到空江落月邊病鶴與君回首早  
放生池有病鶴與僧皆前後化去 祇餘憔悴一枯禪時練塘僧亦久病

久坐山後望松寥二小山以水尙漲咫尺不得過

石梁徑可通松山寥山乃在波深處洪濤四面撼不停

欲共蒼鷹結巢住野鷹皆集此山故俗又名鷹山 征鴻占麓鷹占峯共

欲立足波濤中蘆花隨雲白零亂新月出波福上岸

于生淵聞余在焦山載酒相訪留住數日醉中作詩送

之歸

昨宵一葉帆酒與生同到連晨酒欲完臨江送歸棹  
題詩巖石間石爛詩亦朽惟餘影孤撐不隨東海走

我向茲菴住時時醉不醒夢中常到處天外一峯青

卜築嫌卑濕門低欲打潮生所居第一村地苦卑濕何時時高閣同

上看金焦

自然菴僧瀛洲號能飲酒半忽大醉逸去作此

青山瘞鶴銘前路黃葉埋君醉後身我笑茅菴老居士

枉勞仙客伴清樽

將挂歸帆率賦一首

歸帆何止客心忙江亦回頭認故鄉却笑淮南五旬飲

抵他三萬六千場

更生齋詩續集卷一

五

偶得長句贈覺燈超凡兩方丈卽寄巨超卞山慧超攝

山兼示首座眞源知客僧若愚

借菴從學詩秋屏從學篆尤憐嬾殘僧殘夜鎮相伴嬾

殘之嬾誰可方佛火亦斷爐無香至今臥病古寮下粥

梳倩客調方嘗峴山詩僧絕孤冷前後同居攝山頂與慧

超前後主攝山方丈幽居泉石我不忘四面石峯如石井華嚴樓

閣雲煙間今與眞源並居焦山華嚴樓正對黃鶴之南山就中一僧

雙鬢班棄儒學佛甘癡頑眞源本鳳陽諸生棄而學佛知客軒中澹

和尙詩筆居然亦相抗每聞清夜讀詩聲知客西軒接

方丈僧中數子並不凡筆與山石同雕鏤君不見山窗

莫謂閒無事讀罷新看奇字時巨超寄詩相質覺燈復代余作篆

初九夜與于生淵方丈僧覺燈坐寺門石闌上玩月并  
望海門作

石闌干上影飄入隔江舟坐久月光濕觀空心鏡浮古  
懷按斷碣世事問閒鷗不識滄溟外誰爲天盡頭

侵曉月波臺看日出

昨暮一輪日今飛滄海東氣收遙夜黑光逼曙星紅世  
外黃人捧天中赤道遙誰言此臺小觀日泰山同

日觀  
峯在

泰山

將歸復上山半看紅葉率賦

人衰先白髮樹老偏紅顏陰陽遞推遷少壯往不還造  
物亦已勞曾少一日閒我來值仲冬草木亦盡刪雙峯

更生齋詩稿卷一

三

既隱隱三江亦潺潺感此數子心別易會甚難離觴且  
暫停更一登北山留此一樹紅伴客雙鬢斑歸鴉倘前  
知廖廖響禪關

題趙兵備翼秋山晚景長卷

疾雷激電破山出我自讀書君賦詩祇覺靜中皆有會  
滿坡黃石點頭時

利名心並析秋豪珠玉叢中壇坫高十萬黃金詩一萬  
送君歸老亦堪豪

卅年前苦較文忙垂老都成陸氏莊

費制使澆蔣漕督  
兆奎前後皆出公

門江左淮南諸節使歲除爭饋束脩羊

哦詩長日許隨肩一巷東西屋接連只我居貧最無賴

乞君千萬買鄰錢

趙兵備枉贈詩有虛名若論時長短縱不千年亦百年  
二語爰廣其意戲簡一篇

長卽壽金石短或同螻蛄若祇一百年何足論有無先  
生夙工長短篇若論律體尤精妍昔人所云銅頭鐵額

五百漢究不若先生銅牆鐵壁五百間先生自言七律  
恆心者至五百

首 珊瑚出海霞滿天精采下照千餘年昨來惠我詩一

紙大匠撝謙乃如此王楊盧駱等閒耳甘以浮名讓餘

子我生孤露奚足言長亦世事相拘牽雄心已徂落日

邊半共草木同酣眠雖然生氣存不與物並萎無論文

體荒無論詩格卑我卽不好名名或欲我隨世間有盛

夏生齋詩續卷一

七

必有衰五百年內吾能知五百年外或者難支持

錢少詹大昕輓詩

相逢握手賀生還余自塞外歸晤  
先生于吳門 昔昔真如指一彈猶

記缺文商夏五余左傳註成先  
生爲商推數事 最憐封札到秋殘先生  
以冬

孟謝世秋杪  
尚通音問 淮南薊北生徒盛王後盧前位置難五十  
年來

爲樸學者王光  
士文弼而先生述作尤精審 十載頓亡三老學馮高不

覺涕洟瀾

詞源學術未分途獨力能將大雅扶北斗垂名到南斗

西都爲客問東都禮堂定後留其闕樂石搜殘補所無

老不越疆吾自愧僅同徐穉獻生芻

十一月十四日爲莊徵君宇達補稱五十之觴徵君出

自壽詩見示率贈一篇

嗟余齒臘較君優君已初衰我轉憂屈指百年先過半  
放襄圓月乍當頭猶耽仲蔚蓬蒿坐不作盧敖汗漫遊

好續南華舊時會君家先世有南華九老圖記繪君裙屐在西樓

趙兵備見示題湖海詩傳六截句奉酬一首

六百家詩六十年始于乾隆之元定知誰可繼前賢虛期識力

超今古却以科名派後先舊雨諒難忘沈趙沈尙書德潛爲王侍

郎詩派所自出趙兵部文哲又其患難友也故所選獨多邊風采不到黔滇靈光一

老仍無恙畢竟輸渠筆陣堅

十二月二日行城東

城東半畝宮瑟然有春意層檐障冰雪草綠尙無際窮

更生壽詩續卷一

天

陰沍寒候初日出偏麗遂令衆生物別若一天地林間

雙喜鵲聲響亦交替我行顧樂之稍休坐堦砌却藉壁

粉書嘉平月初二

石竹山房悼楊上舍槐

主人買石連雲根主人已亡石在門主人讌客羅古樽

古樽纔覆君斷魂徐家疊石亦如此徐民部大樽亦最嗜奇石築小圃南

就遠石上松生人遽死烏乎石苦不能言一死一生皆

若此我爲弔客行石臺腹痛忍舉堂中杯君不見吾家

奇石出牆半未識還能幾回看

初八日侵曉詣天甯寺齋堂看食粥

一堂三百僧夜起然巨燭衆喙無一聲同焉食齋粥茅

檐散餘粒烏鵲欣可啄齋餘仍沃釜沾溉及羣族汝曹  
無一事飯飽惟鼓腹豐年甯易覲况享太平福我居真  
咫尺早食亦粗足歸撥老瓦盆應欣芋魁熟

前題趙兵備行卷有十萬黃金詩一萬之句兵備復在

詩相嘲爰戲答一篇

此閒歲暮偶苦貧奇想乃欲富以鄰適逢巨軸擲案上  
白鬢紅頰此老何精神人思黃金鑄越臣不知臣家金  
穴原等身牙簽玉軸中偶爾一欠伸下視黃鐵同黃塵  
君家富術可傳世不積俸錢惟積贄

先生居官極廉歸里後以授徒起家

廣陵絳帳設五年秦賈越商皆列侍經生此席本寒乞  
從此入門饒利市楊侯百物知低昂桓寬鹽鐵論亦詳

更生齋詩集卷一

完

不貴富或由此始坐令儒衛生輝光一金一幣用有方  
任氏家法更爾能周詳君不見東鄰生亦粗成章賣文  
諛墓何皇皇歲入僅可升斗量翻令此老笑口張甚或  
如此淺淺囊又不見賣文無論錢有無究不若田文薛  
縣日日收市租卽有諛墓文較及兩與銖總不若張說  
橫財乃有三十鑪我言十萬信不虛質庫况爾盈吳趨  
子錢及母錢疊日飛青蚨努力可望猗頓兼陶朱我言  
如虛我受誣君亦莫更欺狂奴君不見狂奴逼歲氣更  
粗買鄰十萬何不卽日輸不然欲向畫上此老日日追

前逋

初抵吾與菴贈湛谷方丈

家鄰赤城寺移住支硎山東南名嶽多興到遞往還案  
頭儒生書反比梵夾繁偶豎一義竒足警石性頑歲晏  
客未歸伴此開士閒啟戶挹北風共鍊冰雪顏驚聞剝  
啄聲長松響禪關

支硎山雜詩

探竒忽迷途時入歸鳥隊歸鳥向北飛夕陽紅在背餘  
霞猶塞逕時復逗竒采我居青松裏三面窗染黛窗前  
波一曲靜與山晤對甯惟鳥鉤輈亦覺魚瑣碎興倦北  
壁眠清聲靜堪愛

吾與  
菴

山勢旣百轉廊形亦千回人行螺旋中首頰不敢抬絕  
壁下陡風鷹隼撲面來半時行空虛足底扉牖開濃香

更生齋詩續集卷一

早

滯遊蹤山腰逗黃梅頗訝衣袂斑時時綴青苔僧繇煮

山茶邀我坐石臺

法螺  
寺

茲山雲氣青石理偏黝黑雲門開一綫藤蔓倒垂赤虛  
空樵徑斷鳥過亦如擲西行路稍展又見一峯坼松陰  
思久憩石石起拒客潺湲分一道直下色如墨虛廊紅  
粉剝陰翳成古色危坐百尺樓波光亦將夕

寒泉  
亭

山光飛不透高處一關鎖排空三兩石位置亦帖妥人  
行飛鳥背面上落雲朶山腰岐路出恐與故人左時披  
松竹翳引領復危坐不知斜陽東已復露星顛回途風  
轉急吹落厓畔果酌此半月泉心空已忘我

暖翠關

天平山

支硎石皆眠天平石皆立升中無寸壤石石作塔級通天惟一綫退九進乃十晴陽燭中峯冰霜不能濕君看崖樹下驟暖已蘇蟄西行嶺逾陡星影綬圓笠巒崿僅容足隼與客爭集莫枕巨石眠峯頽亦將及

石石悉破碎石石悉渾淪天風吹其間播盪及石根山巔黑磔柯積勢尙未崩後峯支前峯雲氣驟吐石石頂百尺松隨風掃天門日月過亦愁排空劃刀痕盤盤西南山兀立太古墳鴻荒逮千年遺蛻久不存小憩一葉舟名茶香喜初溫

白雲泉

山頂挂一泉強判上中下泉聲飛落處曲折走巖罅山

更生齋詩集卷一

三

僧掩泉竇古樹支一架閒房面深池坐久忘晝夜雲光時欲斷嵐影仍激射游魚不知地惟以天作榭三更巖月上星影向潭瀉枯僧雙白足久把塵事卸終當營危巢倘與世人謝

無隱禪院

密林無冬春幽谷有昏旦嚴霜撼楓栢仍覺光景爛升巔意初疲出險步方散精藍踞山腹巨石作鎌鏟僧閒無伴侶雲影去來幻幽房閃虛聲山魃見曾慣回廊看瀹茗鑪冷復增炭頗驚苦寒月滿地落花瓣

時山茶  
落靜

對一曲池疎梅亦將綻

水木明瑟園展畢官保墓

白日何能燭九幽劇憐愛子亦從遊時公文子嵩珠擊七著書早

欲傳千載作宦空憐督八州吳苑水雲留別墅武昌風

月剩危樓年殘客到尤增感愁聽歸鴉噪隴頭

謁范文正公祠

曉日攜筇度石阡祠門開處謁前賢煙雲倏忽成今古

憂樂平生判後先邊吏尙呼窮塞主路人猶指義莊田

年來秦隴仍傳箭畢竟誰將國事肩

花山

一樓支松腰一寺陷石腹非關莓苔青太古已斑剝人

煙蒼翠裏雲亦染深綠林深樵斧歇時亦響啄木三峯

盪遙紫一澗瀉寒玉峯奇非意想驟覺訝心目猶疑龍

更生齋詩續集卷一

聖

母宅散把雨工牧終當呼方平一叱起眾伏

中峯

到來三重岡圓月出圓嶺回瞻花山寺尙復挂夕景殘

紅門虛白空際無定影獅山插天半霞采黃百頃連峯

驚五色照耀入塔頂窮觀因久憩已復啜苦茗山居苦

寒宋清響出房冷歸路約半程星光滿墟井

十五日偕陳徵君鱣鈕布衣樹玉暨澄谷方丈重遊白

雲抵暮乃返

纔遊山寺歸忽喜故人至故人清興發仍與詣山寺樵

童攜一兩石屋厯三四同遊今六載已未春與布衣同探梅元峯

屐喜重試酌泉心乍定陟嶺步初肆歲晏冰雪中所欣

無一事閑從麋鹿隊  
默會巢許志  
茅茨留古夢  
松竹浣塵思  
誠知人境遠  
不覺客蹤滯  
歸路月已高  
村醪亦須市

是日晚澄谷方丈招同陳徵君鈕布衣及黃主政丕烈

見山閣小集分韻得把字

是夕月食更餘始復

更敲一點遲  
月食二分寡  
須臾光復滿  
樓上酒堪把  
故人皆非常  
下筆嬾羣雅  
不來時人夢  
來卽我心寫  
高談門檐鈴  
逸響扼樓瓦  
詞華挹雄向  
學樸研鄭賈  
寓慨觚不觚  
精言馬非馬  
奇香熏鵲腦  
俊味得龍鮓  
風稜削須眉  
雲朵濕衫袴  
談深甯忍別  
欲去留復且  
送客過石橋  
輝輝月盈野

更生齋詩集卷一

星

偕湛谷至鄧尉看梅

探梅何太早  
梅蕊未杼紅  
領取高寒意  
須從冰雪中  
素心惟白石  
行足共文公  
誰識勞勞客  
年前事鑿空

十六日早泊米堆山至元墓探梅道中作

三更一棹出溪灣  
烏鵲隨人往復還  
心祝水鄉年事好  
落帆先泊米堆山

探奇尋徧萬株梅  
小憩危亭午夢回  
正欲烹茶無處所  
亂峯堆裏爨煙開

還元閣

平田望山椒  
朱甍亘天半  
入門階級迥  
石壁插霄漢  
陽山何窈窕  
正面作几案  
鏡裏怖鴟飛  
雲中估帆亂  
枯僧

導前路延容憩別館化人留精廬高士壁古篆

還元閣  
爲徐高

士枋軒櫺饒別趣爐鼎寡近玩捫碑心已肅酌水手仍  
所書軒櫺饒別趣爐鼎寡近玩捫碑心已肅酌水手仍

盥危潭俯不測峻坂陟無算却出松柏林古梅熏鼻觀

香雪海已未春首曾探梅于此是歲八月即  
恩遣戍伊犁迄今已六年矣

驚濤三萬里噩夢四五年逐客須鬢蒼梅枝亦高騫我  
居西海頭時時夢山巔振翻不得飛誓老絕域邊何期  
復生還重履山下田對花客憮然花亦笑口媯當時手  
植枝條忽已及肩尙斂萬樹香交此四野煙山色冷未  
蘇水腹凍已堅小臥峯頂雲驚魂怯遙天

光福鎮

一湖三萬頃環以七十峯一塔勢盡收不覺增級崇漁

更生齋詩集卷一

四

艇百尺帆竭方使北風靜觀歷逾時不越坳堂中直下

千百層隱隱聞洶洶湖寬出饑蛟山中蟄雨龍

陽山爲  
龍所窟

所喜人事恬墟井尙鬱葱家家祀竈忙村村爨煙濃干

門有神茶四野無哀鴻我顧樂不支加餐向船篷

驚魚澗

人境旣已遠樓與竹木平疎梅甫著花枇杷葉仍青空

外水四周缺處嵌一亭不知深山中魚鳥何尙驚雲泉

乃其天足以悅性靈半晌頰首觀時喜出藻萍我亦縱

壑鱗曾經泛滄溟當其勢倉皇魴鯉爲失聲倘非大造

恩安得返故局魚樂我不知魚驚我怵怵目極東逝波

滔滔傷我情

題吾與菴圖

吾與菴中路松篁峭不羣畫中曾住我世外忽逢君初  
地無餘劫浮天有斷雲因遲顧居士展卷把香熏

圖爲顧上所

舍鶴慶所作

藕花菴

小築松深處池臺割澗成礙肩雙樹秀劈面一峯傾心

靜花旂影神驚斧鑿聲

菴正面金山上人鑿石不絕

累他雙燕子故

壘幾回更

普賢禪院

一道水流急尋源欸石屏山茶紅礙帽野竹綠侵衣飯  
芋僧仍瘦餐松鼠亦肥未妨爐火斷歲晚客來稀

更生齋詩集卷一

壘

歲暮雜詩

我居吾與菴冬月亦已殘時攜古人書向此窗隙攤古  
人欲立勲亦恐無我聞東風來何遲西日去不還願以  
一寸心徑比木石頑

飲石欲鍊骨餐冰欲明心我有太古懷冉冉生自今長  
松峙我前高下及百尋松聲灑然來亦足挹素襟頗感  
風日佳因之亦長吟

我感叔豹言世祿非不朽立德與立言於我究何有置  
身邱與壑矢志頗不苟身退尙著書聊思慰吾友不知  
千載下可更識誰某百事抄一成頽然遽成叟

三椽築茅廬頰仰可無痲妻孥盈我前知我意何在妻

孥猶不識何況友朋隊卑躬抱微尚沒世寡後悔高瞻  
逮皇古下視及千載知我卽有人先愁不能待

世事百不識我頗輕腐儒語錄盈我前眼倦不欲舒道  
在六籍中勘實不履虛何因襲元言願以聖自居謬種  
日以多修途日以紆一世笑我狂我亦笑子愚

我家居毗陵百載亦云久憶從祖考來成法可世守一  
衣兼一食垂訓皆不苟童年感孤露聖善有吾母誨我  
勤載籍誨我覓升斗中道忽棄捐遺言猶在口築室先  
壠旁他時正邱首

箏簫笙笛琴佐以胡琵琶堂中聞妙香堂下羅名花我  
謀一目歡費足資十家餽飢亦有人獨樂良所嗟不見

更生齋詩稿集卷一

吳

梓澤園池臺久欹斜白首同所歸安能事驕奢

憶從伊江歸身世感再造荷此天地恩捐軀亦難報身  
雖無所用事必求厥要屏除塵與翳不使及堂奧庶幾  
能辛勤藉以展微效

一卷數百家生計皆苦艱操作春逮冬歲晚未得閒妻  
孥亦同心勤力井臼間百病總不生天愍醫藥難狐裘  
一何溫鶉衣一何單

生居城市中所苦不識耕亦有菜一畦荷鋤學編氓衣  
食纔取足不欲求其贏此多彼卽寡物理苦不平啼飢  
滿門前積粟亦啟爭我有藥石言願以貽後生

無衣必求衣無食必求食八口我所私何敢累親識儒

生讀書外貴在勤已力縱無梁與肉粗可啖糠覈家政  
亦有經當窗婦能織

我生秉庭訓不作無用言虛抱拯世心經訓藉可箋鑿  
楹貯羣書卽是儒者田書外一物無茅亭及茨軒著書  
暇日多餘力吟一篇

木實可作食木葉可作衣乳鴉巢其間不識凍與飢甯  
知歲臘殘人事日已非何處覓斗升老幼日夜啼司命  
苦乏供清水汲石磯衣麻常苦單食粥常苦稀

千村爆竹聲樂歲實堪慶人欣年齒增羊豕命偏併搜  
山及麋鹿隨雲設陷穿人縱重厥生何爲輕物命珍羞  
信堪飫鼎俎亦易罄我讀黃帝書惟應食臯鏡

更生齋詩續卷一

四

吳趨俗尙華所重在元日冠裘並新製鬢髮亦梳刷行  
逢衣淡素羣語詈不吉我多方外友衫苦百垂結云服  
壞色衣方能見菩薩

支硎及鄧尉十日展齒賒雖看萬樹楸惜少六出花心  
切三田中二麥初萌芽嚴冬地無毛惟藉雪霰遮願祝  
東北風掃此天半霞夜聞折竹聲飛花滿千家

德雲精舍

老僧閒臥處枕上水無邊雀占屏爲屋魚窺鏡作天草

青殘臘日髮白

上皇年

卷僧年八十曾主  
方丈獲觀

鄧尉  
純皇

帝三面峯嵐好都朝錫杖前

石像菴

偶訪石居士聞同鐵脚僧畫昏樵北苑衲古似南能容

醉包山果時以楊梅酒餉客茶燒塔院燈勤公遺寫在勤一僧始開山

傳已到雲初

留別澄谷方丈

君爲退院僧我亦罷閒吏從容雲水間遂爾成默契天

平鄧尉兼支酬介紹兩客交忘形別山夢山山轉青更

夢老衲松風扇

過錫山訪張太守鳳枝

南荒窮太守何日返西荒萬里纔歸骨三旬屢斷腸君入

關後始知愛妾雉經尋長君亦物故疲蹤滯揚越變調激伊涼揆篋衣裘

盡空餘古錦囊

更生齋詩續集卷一

四

小除日招同吳封君端彝趙司馬懷玉暨小阮秀才學

彭莊明經頴曾暨小阮徵君宇達段達和陸繼輅兩

孝廉及兒子節孫更生齋早集仿賈長江例祭詩卽

席用徵君原韻

小雨連晨路不乾年除聊復強爲歡要從寒瘦求郊島

敢說文章比杜韓呵凍未妨傾卯酒祭詩先已借辛盤

他時西海留壇坫余自塞外回署一齋名西海合與長江一例看

哭楊布政揆

八年憔悴歷行間殉國仍憐鬢未斑直北路皆籌筆驛

君自西川及甘陝軍營無不陟歷大西天作勒銘山會隨大學士福康安至西藏愁

看烽燧眉常斂病伏弓張血尙殷誰料玉關分手處君

成死別我生還



四九

鳳城鳳好士族

會孫用勳校刊

天台石梁集

乙丑元旦

日月堂堂去絕蹤  
丙寅明歲又將逢  
偷生久愧吳都尉  
祈死曾煩晉祝宗  
尙以詩書綿世澤  
早安耕鑿共村農  
衰年默數數童時  
侶誰復迎門與過從

詠懷詩

我昔有奇稟  
十年居玉京  
舉足踏列星  
俯身瞰雷霆  
一謫人世間  
臥苦不得醒  
時時亦仰視  
但覺天宇青  
前身與後身  
昭昭易冥冥

一日异昏曉  
一氣變寒燠  
朝霞暮復鮮  
春草冬復綠  
嗟哉志士心  
炳若長夜燭  
成童逮衰老  
所履益諳篤  
縱違時所尙  
曾未改初服  
冀以徑寸心  
轉此日月轂

我居衡門中  
一世入襄抱  
光明縱無多  
志欲徹昏曉  
繁星布天闕  
大者僅參昴  
浮雲與之俱  
夜氣復繚繞  
一綫殘月光  
居然燭天表

古人不可作  
留此一卷書  
我思見古人  
掩卷時踟躕  
古人豈好名  
夙抱藉以抒  
言言炳神明  
詎比蕘與芻  
古人得其精  
我慙得其麤  
願從積軸中  
淘彼徑寸珠

一世相識希  
進願求一室  
一室意見殊  
寸衷誰可悉  
居閒思賈郭  
古反有儔匹  
螳蜋申臂勇  
蚯蚓用心一  
不恨

生世遲所悲前哲歎

巖霜一以下響已輟百蟲怒雷一以奔萬族何洵洵足  
知天地心藉以警贖警敬畏理不殊至人等童蒙繁音  
願悉收震之以黃鐘枯條願悉芟潤之以谷風

雷同所不敢亦性所不能性匪與世殊願受流輩憎遂  
令十室中獨處無一朋囂囂復囂囂古或有所承何心  
學嵇康所願師孫登

今人何太浮古人何太靚授以一卷書今人讀難竟以  
之膺世事心志苦不定我雖慙往哲六籍等性命願假  
一歲閒羣書讀當罄

新正十日探梅鄧尉適姜尙書展墓費家湖側因便

更生齋詩續卷二

二

道過訪并率呈一篇

尙書余庚戌讀卷師也

臘月欲盡探古梅南枝北枝仍未開甯知俯仰祇半月  
十里香氣衝人來猶留千樹未全放似待孤客先裴徊  
訪梅兼訪梅間客官蹟迢迢屢南北不特先生鬢久霜  
傳經弟子頭俱白尙書履聲何處尋遠復散步來湖潯  
十年裏抱欲傾剖相與淺坐梅花陰陰陽迅轉同車轂  
憂國精神幸如昨西北欣看掃賊氛東南藉可安耕鑿  
憶昔使節黔中還

尙書撫偏沅時余視學貴州任滿相見于辰州

烽火正照辰

龍關當時三客坐譚處一客先已埋花間

時紅苗滋事尙書與畢宮

保並駐節辰州辨理糧餉越歲官保  
卽謝世今墓在靈巖山麓距此咫尺

世間萬事誰能料

灑淚茫茫濕斜照破冢曾無大鳥棲荒祠剩有青蠅弔

愈惜勞勞世上人忙拋歲月病拋春  
本約吳封君端彝  
莊徵君宇達並遊

二君以病及  
事冗不至  
偶成

歲月堂堂去若何谷風驚又被巖阿半春夢比繁星密

一世人如磨蟻多偶逐右曹趨日觀未從博望泛天河

雲臺宋莫無名姓事過同慙馬伏波

元宵夜風雨甚驟

臨街樓閣嬾重登驟暖先將濕氣蒸一夜雨聲如裂帛

不曾知有上元燈

廿二夜豸橋道中

及此荒寒境更闌月在樓入林人影淡搖夢檮聲柔嗜

更生齋詩續集卷二

三

好真無著辛鹹任所投長年知世事絮語不曾休

舟行卽事

經旬憑酒暖此夕忽竒寒諫果誰堆枕仁蘋訝滿盤得

閒緜歲歷小極罷晨餐望盡青山外沈沈天宇寬

早從烏溪口出太湖

炊煙紅不起雲白膩空山只有漁樵侶閒蹤自在還

自宜興渡湖至長興邀同年邢大令澍放舟至龍華寺

訪巨超方丈牽成一首

十六年前同虎榜五千里外會龍華吾師更駐焦山錫

約客閒烹顧渚茶老衲座旁參笠屐宰官身裏現袈裟

此來何止談空好半里香浮萬樹花

錢氏梅花莊

四條長四里夾路盡疏香合作梅花街時橫古石梁帽  
簷隨樹亞鼻觀嗅花忙百步山莊外琅珎影亦長

下山正中亭

十里下山松危亭卻正中亂泉穿徑碧初日鬪花紅世  
外峰奇峭雲邊路暗通梅梁過方好殿角隱瓊龍

贈巨超方丈

曾訪靈威穿地肺欲尋仙侶到天台安心師已參三昧  
行脚吾應號萬回百折泉從杯底合五峰山向坐中開  
林禽笑我閒如此一歲真看一度來

青藤書屋歌先寄陳秀才鴻熙

東生齋詩續集卷一

四

波生波滅無已時百劫我復遊天池池中鷗鷺池邊客  
池上青藤高百尺青藤居士天池生詩人名號亦屢更  
百餘年來三易主惹得青藤榦逾古我攜赤藤遊赤城  
眼底頗欲無青藤雖然青藤歲月亦已增尙復天矯屈  
曲如龍升我緝青藤詩坐向天池口世間怪事無不有  
卻笑年前板橋叟董龍甘自稱雞狗更作史遷牛馬走

揚州鄭大令雙醕喜青藤詩  
鐫一印章曰青藤門下走狗

一離言詮君不見君詩幽隱無不穿白日鬼嘯來重泉

鯨魚出沒蛟蜃纏恂恍絕似重洋船奇光縱遜日與月  
磊磊落落同星躔身前旣感梅林胡身後復有中郎袁

虞山之論最不然欲屈一代中松圓平心我論處士壤

獨此可與眇目山人傳劈縑寫君詩闢堂展君像君與  
青藤總無恙歷落嶽奇不平狀我今游跡無定鄉元方  
交後交季方君介兄景初與余相識感君兄弟苦留客白日爲我  
傾千觴天池旁邊覆觴起欲往天台白雲裏天台白雲  
上接天興發我欲驗千篇

昇平四章

昇平一百載衆庶多于蝨山侵豺虎居水奪蛟龍窟蛟  
龍猶有海豺虎何所逸御之不以理勢必轉奔突強梁  
或逃竄老弱遭噬嚙不知六合內禦物固有術欲人妥  
厥居先使獸有穴物物安其天人禽庶堪別

昇平一百載胥吏多于民小縣至數百大縣逾千人此

曹何所長攢弊及侮文豪強尙相亢樸鄙窳莫申揣彼  
瘠與肥破家或亡身長官有遷移吏則長子孫嗟嗟肺  
石旁人鬼皆含冤我願仁者心除惡務去根庶幾獄訟  
衰風俗或可淳

昇平一百載墳壟多于田至今城郭旁漸少陌與阡百  
載已如此何能暨千年况復富貴人風水說愈堅一壟  
占十畝壟百畝已千膏腴日以荒廬舍日以遷遂令闌  
闌中白晝飛紙錢不見高高峰白楊欲參天

昇平一百載僧釋多于農經緇四十章至比六籍崇人  
傳大叢林富必千萬鍾十農養一釋食力苦不供游食  
尙細事其徒況洵洵凡茲名勝區咸化梵釋宮一衣必

募緣一食必擊鐘有法限制之患庶不養癰

西湖殘夜自斷橋行至孤山麓偶成

缺月將殘夜行人過斷橋斷橋橋下水鳴咽響如簫舊  
夢醒仍憶孤山望轉遙梅花留數樹相伴客無聊

五柳居食魚

卅年前夢太怔忡又向湖頭卸短篷金色鯉魚烹一尾  
上樓間看北高峰

孤山處士今何在湖上仙禽去不回只我亦疑華表鶴

昆侖山頂忽飛來

德生芬喜晤華大令

廿載湖頭住真成不繫槎雙峯化人宅獨樹老夫家眼

夏三齋詩續集卷二

六

倦觀時局心空閱歲華林逋居咫尺聊其種梅花

將往天台淨慈方丈際祥畫山水長幅見贈率成長句

報之

天龍忽入枯僧腕五岳外山皆可轉仍嫌山色措未盡

一朵峯皆一雲浣筆頭至竟生氣多峯背一一生煙蘿

風聲雨聲有時歇石竅盡現莓苔窠一峯松濤一峯瀑

飛瀑卻從松頂落我疑天台石梁即在飛瀑東策杖竟

欲排虛空左攜支公右遠公

謂小顛破  
迷二僧

頓覺雲霧出沒

日月倒景于其中早潮初平莫潮長缺處真堪挂帆往

君不見沉思此景殊恂恍畫裏南屏晚鐘響

壑巷訪破迷僧不值

我從西海歸東海頓覺前身易後身山鳥尙迎初度客  
維摩應亦再來人八年舊跡畱空館十里疏梅颺早春  
久坐蒲團久繙偈待師同證靜中因

萬峰寺訪小顛僧畱贈一首

夢落天台瀑布前欲從雲外謁飛仙再來剛是春三五  
回途擬仍仍小劫曾經路萬千東海萍浮應笑我西湖僧  
至湖上

好總名顛法華堂外談空處添得疏楊百樹煙時巡撫阮君元

于西湖添種新柳

渡錢唐江抵西興

卅年三問西興渡太息吾形已非故西興津樹尙迎人  
百轉千回飛白鷺錢唐樹色初模糊回頭復憶西子湖

更生齋詩續集卷一

七

早潮初落爨煙起挺此九級高浮屠風光絕似清明節  
正月可憐纔晦日十里疏楊裊綠煙濛濛已有鶯聲出  
錢清江水何回縈我心卻比江水清一江初過一江迓  
風急已度高遷亭車車油碧船船畫四面橋如采虹跨  
明朝爛醉詞客家別挂輕帆抵蒿壩

抵紹興日偕陳景初運判鴻逵鴻磐兩茂才歷游省園

徐園平園率賦一首

頰尾櫻桃翠羽禽危亭都見百花心誰憐越國春光暖

轉惜衰翁鬢雪侵塵世劫完容小住故人身後甫幽尋

惟省園主人不識平園則少宰恕家墅徐園又編修立網所構皆同館也並會約遊未果今始到此兩先生已皆歸道山矣  
曲屏風外香爐阜閱盡勞蹤自古今

口晁復泛鑑湖至快閣訪謝太守肇洙畱贈

名園歷盡已斜陽乘興還登綠野堂草木總含滄古意  
蘇杭無此好春光天隨合放煙波艇賀老仍畱風月場  
四百里湖存數頃欲從何處悟滄桑

王生行爲王明經行梅賦

不可有兩庶有一笑聲初停哭聲出哭聲纔落南湖左  
秦望山頭鵲聲墮胷中本有萬斛才百斛淚始隨聲來  
淚不若蛟入海上之明珠亦不作聲伯洄水之瓊瑰有  
時班班駁駁色不定艷處絕似珊瑚堆願勿灑原野恐  
此林木摧願勿灑亭館恐此春草萎我心爲之一根觸  
我手不能與之掬唐衢死後一千一百年只有茫茫此

場哭

更生齋詩續集卷二

八

陳徵君榮杰抱膝長吟圖讚

青天無雲大海無波惟此直木不生磊砢惟此峻嶺不  
垂煙蘿早稱鴻儒晚膺制科長吟抱膝所思如何目耀  
列宿口懸天河我展君圖我爲作歌

二月二日曹娥江舟次

孝女廟前路社公生日天遠遊真可戒斷夢已多年

丙申

歲遊至此旋即奉太宜人訃

犬入鷓鴣隊牛耕蚌蛤田半程風日好

開牖卷書眠

品石行贈袁茂才鼎

袁生五岳填胷滿袖底纍纍石如卵嗜之成癖誰可及

一日一回江水澣友思攫之怫然怒爲石居然砌成庫  
有時出貯衆座中左右高低若星布石橫作嶺矗作峰  
所喜石石無雷同世人愛玉君愛石石不能言戴君德  
他時海水倘復乾圓嶠方壺漂入宅

偶成

黃金不惜張車子采筆無煩謝客兒攜得杖頭錢數百  
石梁南畔去吟詩

青藤書屋卽事贈陳鴻逵鴻熙鴻磐三秀才

春花淡紫秋花青藤抽一枝花一莖花青難得紫易得  
異種欲乞天池生青藤上屋何凌亂似爲幽人挺奇幹  
名香一瓣酒半瓢薄暝欲把詩魂招

剡溪舟中

四山中間一山出雲匪山獨高惟其不羣白雲之中乃  
有樵屋初陽入門曝此背腹

將至嵯縣作

四邊山作嵯三折水名之更鼓沿江棹仍思訪戴時石  
奇餘斧鑿屋古半茅茨破曉南風急城門到已遲

欲抵新昌先柬應學博澧一首

八年前記過虹橋半世交期語竟宵君已滿盤堆苜蓿

我驚絕塞啖蒲桃江波未似詩懷澈山水都同鬢影凋

老尙欲攜雙蠟展約公南訪赤城標

自嵯縣乘山輿行甚駛偶賦

到岸山興好真同行客察捷能逾蹇乘寬足抵團蕉半  
世臯比座前塵星使輶老夫雙繭足曾走萬程遙

山陰道上

山陰道上鷺多于天半雁恨不習俗書籠之返陽羨  
川程久睽違水田形亦改只有赤城雲迎人先鬥采

斑竹嶺

踏青時唱艷陽歌四面山窗合女蘿誰信一條斑竹嶺  
桃花還比美人多

卅年前路夢中諳月午曾停使者驂畱得紙窗棋數著

分明殘局付羊曇

丙申秋隨學使者至此學  
使與坐客對局至曉故云

初四日入天台宿清涼寺

坤輿何傾欹天路殊肅穆積此萬仞高纔成一山麓山  
形經數折水勢乃逾曲樵蘇蹤已斷紫翠始重複屏山  
南到海倏爾回地軸龍魚氣熏烝螭魅勢懾伏靈奇既  
頻到虺蟒迹難託娛幽富芝朮拒俗挺松竹藏經樓上  
望雲日炫心目薄暝客漸稀鐘聲盪空綠

清涼寺方丈際雲以萬年藤杖見贈書此報謝

人言天台藤萬年挂者卽可成飛仙上人舉贈有深意  
齒髮憐我當衰年我氣可食牛我行及飛鳥幽尋更假  
藤一枝幾欲攜之出天表勞人歲月亦可憐茫躋會歷  
昆侖巔此藤與屨庶足配歸日緘置茅堂前刻鳩作首  
末鐵裹節目離奇枝磊砢閒時偶舉一指空白晝星辰

杖頭墮自顛至末十三節缺處猶纏怒蛟血藤生定屬  
羲葛前隸首大橈忘歲月庶幾渾沌蝙蝠精或者與杖  
同時生我攜入華頂我攜向赤城山神見之拱手避轉  
或疑我真仙靈潤以中峯雲洗以太古雪古意寥寥節  
中出他時我欲覲玉皇擲杖便已成飛梁黃人捧日不  
敢過叱馭乃欲歸扶桑上人贈我何以報倚杖作歌成  
古調君不見千言挂壁殊兀冪一字真堪一星照山鬼  
潛逃谷龍嘯

過騰空嶺

萬綠影濛濛千峰倚短筇身輕捷于鳥應讓李騰空  
過萬年嶺

更生齋續集卷二

十一

隔溪聞打午時鍾萬箇簷當萬尺松我向此庵難久駐  
心懸六十五茅蓬

時將從方廣  
寺上華頂

天台石梁歌

一山飛一泉泉外皆桃花仙人不畱我飯恐無胡麻天  
台之藤高八尺攜向眞源問消息偶然飛雨撲面來猶  
帶桃花好顏色蹁躑偷眼心已驚直下萬仞終難停誰  
于山水絕奇處別闢一厓名捨生

土人每至石梁捨生  
自去歲至此已四人

君不見再生我荷格外

恩身外久已無餘身更憑

何物作施捨涉險轉欲恬心魂眼中飛瀑從天墮忽覺  
蒼龍跨中過心狂故惹世眼驚卻向橋心腳顛簸欲前  
不前疑駭麕欲落不落同崩雲石梁盡處轉危坐足底

雷鼓何殷殷山僧約至下方廣我戀桃花不能往歸來  
一枕松竹香萬古泉從夢中響

續天台石梁歌

一石壘一石腹背莓苔青惛然獨角龍太古臥未醒洞  
邊香氣何濛冥洞裏五百仙人庭時有五色鳥來往傳  
仙靈石梁南頭卽仙島無數瑤花及琪草琴聲琮琤水  
聲繞只有古今無暮曉我疑中天宮闕難久居故向石  
下營精廬珠簾一兩重蓋此臺殿虛清冷之淵樂有餘  
白石已有羣靈趨低頭我訝蟄澗龍豈知仙人仰此若  
采虹橋心我不敢狂笑遊戲恐墮仙人宮仙人宮聽此  
夾岸雞犬如雲中我笑昌黎生蒼龍嶺頭多哭聲我笑  
玉局叟仙遊潭邊不前進走庶惟長庚星能經赤城橋我  
亦百步來迢迢欲爲石梁歌久向藍橋坐狂甚思敲石  
門破仙人應復煮胡麻留我高齋作清課

方廣寺夜宿

十折五折泉千聲百聲磬瓏喧水樂轉使靜中聽茲  
來方廣寺列屋若居阱人疲爭欲憇僧古先入定屏山  
亘方壺澄波展圓鏡升峰虞柏翳看水怕波暝三更驚  
非常紅霞半空迸天風送濤響此已隔人境銅壺殘漏  
滴于此悟心性清遊何能遲關牖覘斗柄

茅蓬贈詩僧如鵬

天台千百僧一僧號能詩獨向華頂居隨緣結茅茨緇

流白眼俗子嗤兀冪只有天公知屋頭吹松濤屋外徹  
竹軒三更不眠待海日放筆卽已吟連篇我交一世少  
素識世外遇君何可得下士方浮出竅聲大鵬已鼓垂  
天翼

送借月僧回清涼寺

本約同至華頂以雨不果

朱顏紺髮碧雙瞳貽我天台綠玉筇自笑已同遯左崔  
杖今先化葛陂龍

方丈所貽杖半道忽遺卻臨別師復以所持杖贈我

赤城待撥

雲千頃華頂同穿嶺萬重珍重一枝臨別贈與師何地  
復相逢

出方廣寺雨

匝月少靈雨春蕪勢欲殲久拚泥蠟屐卻喜潤茅檐平

更生齋詩續集卷二

三

野綠初展小桃紅尙緘石門飛瀑外層疊挂珠簾

寒風嶺遇暴風

寒風嶺上風凌亂欲掣籃輿入天半輿夫失足客下輿  
卻望桐柏途仍紆半程倏爾分寒燠氣候亦如冬月肅  
山程數折雨復晴已有日腳穿簾旌

瓊臺歌贈道士鄧和信

天台五峰寺

瓊臺宮闕連玉京

天風一吹三十里對面驚看赤城起黃雲盡向東海來  
約客中路游瓊臺瓊臺半日方能及四面紫屏風轟立  
馬鞍石上望此臺一晌儼同人戴笠瓊臺宮闕連玉京  
帝會於此觴百靈半天嘈嘈發絃管直待中秋月華滿  
我聞頓覺神氣揚恨不游戲于其旁神丹縱不乞徐福

桃實亦可偷東方昨來春半猶飛雪欲上瓊臺望雙闕  
雨腳初收日腳斜東南一半山明滅如何瓊臺中乃復  
支草庵道士自說來雲南一爐升三霄一燭照九幽道  
士或是非常流雖然道流見我輒消阻我見道流時欲  
侮他時騎虎出世間切莫對我誇真仙

初六日抵桐柏宮止宿夜起看雪

桐柏山有宮半卽在山麓李唐全盛日列及五千屋元  
談當日熾象教亦懾服如何一千年興廢疊轉轂華嚴  
寺宇盛道侶轉瑟縮丹房半傾圯紺宇悉班駁黃冠日  
思竄土偶夜聞哭閉門三道士日僅給饘粥我來停蠟  
展借此樓上宿勉爲營一飯扉破几無燭殘夜白雪飛  
光明照空谷

更生齋詩集卷一

十四

雪霽自桐柏宮至赤城道中作

後峰霽色到前峰十里晴光漾短筇正是耳空地宋  
鐘聲穿出萬枝松

衣裳獵獵朔風催如夢溪山足底開領取斷崖殘雪意  
分明身在占輪臺

上赤城山憩上下二寺

赤城何止山光赤萬樹桃花助顏色桃花深處初日紅  
復有海上晴霞煝赤城山色時深淺五色紛披究難辨  
我從石梁來赤城足健已覺能飛行有時閒向井泉坐  
照水骨節皆空靈勞生蹤跡何嘗歇三十年來成一瞥

當時可望不可卽到此方能步瑤闕一篇欲寄王凌門  
謂韓城相公使節枉自來山村人生能著幾兩屐此嶺借無

屐齒痕陰陽回皇日倒影正面看山仍引領翔禽舞雀  
不敢升一塔居然冠山頂石厓西頭洞久扃闔之可以  
上玉京我從玉京謫下已七載縱有天路難重經上巖  
下巖益何遠引路桃花百千轉桃花多處屐亦停時汲  
水亭泉一椀天風吹人人愈高桃花笑客客復豪平生  
每到快心處笠屐竟欲從空拋高低歷盡羊腸坂童僕  
催人欲過返國清聞已打午鍾欲共隨堂客僧飯

問路

路逢天台人不識天台路終歲畏里胥常從縣中住

更生齋詩續集卷一

五

初七日抵國清寺

萬綠裏一寺清聲勢如奔人行竹柏中綠盡始到門山  
房分東西屋屋踞石根危亭聳其間稍具斧鑿痕寒山  
拾得僧號已配世尊言望豐千樓天闕殊可捫無須午  
時齋山翠已飽吞一塔十一級危梯久無存窗牖塞薜  
蘿當晝色尙昏石竇出一泉宛若玉女盆我願酌一杯  
不避濁水渾一片冰雪心粹然喜春溫

應學博秋山獨往圖

勞生能得幾日閒偶乘春日游春山先生獨抱秋心坐  
無數秋山眼中墮春山染碧秋山紫畫裏山光淡如此  
畫中山好何不回莫更曳杖秋山來

兩阻國清寺方丈僧全信以詩見質率題一首

宋寔無塵事空山愈覺空雲迷九霄白雨洗百花紅有  
夢來長日忘言對遠公臥吟詩句好窗竹響玲瓏

初九日雨止發國清寺

空山殘雨歇霽色上浮圓百道泉流湊千村麥氣蘇意  
中春色遠空外嫩晴鋪屋角風光好聲聲喚鶉鴣

華頂望海

半道值雨不及至拜經臺

此心真與世相關不到滄溟誓不還

時海氣未盡

未許麻姑

笑東海卻教精衛住西山神遊碧落青冥界目極方壺  
圓嶠間更埽石壇雲氣淨要從天路試躋攀

關嶺望天姥峯

更生齋詩續集卷一

去

清晨發天台日莫抵天姥天姥山連華頂峯濛濛百里  
時飛雨峯從關嶺千回曲祇覺山光異常綠一雨空山  
響易成東西百道爭飛瀑社公生日離新昌新月從未  
鋪輕黃昨宵已過上弦節星點徹夜都無光稽山勝友  
如雲集待我東來卸征楫歌罷楊枝復柳枝船船蕩槳  
都桃葉仙人飛夢無古今我昔亦夢茲山岑長庚去後  
一千載復有逐客來長唼雲中忽露斜陽影一半人趨  
此山頂乘輿還攜訪戴舟回頭卻憶騰空嶺

初十日月夜從剡溪放舟未曉已抵蒿壩

趁此溪頭月放此溪頭艇溪月出未明斜陽尚留景臥  
聞柔櫓響不見布帆影甯知半宵夢已過百重嶺到岸

鐘已鳴幽人睡難醒

十一日晚抵山陰二鼓復借王衍梅陳景初諸人乘月  
泛鑑湖復登快閣主人出酒痛飲至夜半乃返

快閣即宋

陸放翁  
女宅

四明狂客今已無泛月誰復來茲湖湖頭風月一千載  
只惜前人渺難待元嘉以後開元中四明狂客康樂公  
詩人末代餘放翁一閣尙復畱清風清風吹山山欲動  
明月壓波波愈重行觴纔了客不歡坐上才人哭聲衆  
哭聲直入空潭裏無數魚龍鏡中起稽山三面飛紫煙  
襯得菜花黃十里此時元方復季方中坐迭起傾千觴  
王郎聲慘氣不揚令我懷古心茫茫生天成佛都應早  
騷客最憐難自保一疏空求回踵湖剡川只賜知章老  
我從前歲得<sub>有</sub>賜環足繭仍復趨陽關能閒盡荷

更生齋詩集卷二

七

主恩賜蠟屐游徧江南山天台十日遊方足更放輕  
舟此湖曲篔簹底慙無買笑金狂來只聽才人哭新交雖  
多憶故交東望我轉思餘姚青門種瓜客久死飛鳥又  
已無王喬謂邵學士晉  
涵王編修增君不見放翁詩名蓋今古亦化  
會稽山下土人生不樂當奈何努力且進金叵羅纍纍  
古冢何其多我攜絲竹環冢過商聲羽聲響入波地下  
倘欲聞高歌

吼山

屏山何其危瘦石肩巨石天風盪其趾飛鳥過亦嚇當

時神斧落斜劈一干尺  
雖經剝膚慘石理本孤直  
重重紅日照未改色深黑  
潭形肖山光鑑影亦如墨  
艱危升其巔徑草復四塞  
山靈尙扶杖何況此孤客  
出谷望轉驚厓傾正當額

石簣

石腹裂一潭船走入腹  
鑄船行凡數折頭上水光卸冥  
冥入螺旋正晝忽成夜何時穿  
奧突于此嵌臺榭風聲潭底出  
天影穴中射頗聞穴神魚雲霧  
已能駕時時致靈雨十里潤禾  
稼稜稜一峯墮藤葛絡未下暗  
牖花忽明山桃數枝亞

空明庵小憩

吼山山石奇如許圓者中規  
方者矩截得山坳清峭峯晴天  
白日都飛雨春山百折桃花紅  
一庵正嵌波影中木魚聲中大  
魚出波影日影何瓊瓏危巖坐  
待同遊集衣上層層翠沾濕非  
非想處一綫開新月正逗潭中  
來十三日泛舟三江閘望海半  
日晴帆走碧沙桃梨隨路雜桑  
麻石梁高壓三千丈山腹深藏  
數百家一瓣心香畱古廟九霄  
風力送浮槎回頭更覺春如海  
十里新黃漾菜花

浮山頂望海

到此眞無際茫茫濁浪排連  
峯偶然陟隻影渺誰偕事拙  
天難問憂深地不埋片帆隨  
目力送爾入津涯

題王衍梅笠舫圖並示商嘉言陳鴻磐兩秀才陳景初  
運判

王郎家住稽山邊一笠一舫稱神仙笠攜遊山舫浮水  
畫裏溪山原不改我愛陳士巖我愛商拜亭迎客雙眼  
何其青二梅山人亦詩史座下願稱詩弟子日攜三客  
作勝遊踏徧好山仍不止桃花紅紅李花白此夜應離  
謝公宅明朝憶爾西子湖一笠入夢如浮圖

十四日渡江薄晚至西湖泛舟至湖心亭作

雲氣皆歸海雙峯色轉青正逢春半月來訪水心亭林  
鳥認顏色山花悟性靈南屏晚鐘好都向夢中聽

是日卽移寓蘇公祠

更生詩集卷二

九

德生庵外挂帆忙一榻孤眠學士堂正好四更殘夢醒  
滿湖花氣上吟床

築堂我勸祀香山

戊午冬余乞假回薄游湖上曾勸謝  
方伯啟昆秦兵備濼建白公專祠二

公因循未果  
近始建成

今日祠成卻叩關公學浮屠我嘲佛就桑

三宿儻蒙詎

十五日偕華大令瑞潢何文學元錫臧秀才禮堂泛舟  
至金沙港抵暮乃返

桃花紅入波心中一湖波光皆染紅柳絲綠蘸孤山麓

一院風光都皺綠晴紅艷碧西冷橋衫影一色如花嬌

金沙港口畫橈集酒旆葉葉來相招湖堤添得千株柳

盡向六橋橋畔走歌聲疑燕復疑鶯香氣非花亦非酒

南屏鐘動歸舟忙行客背上皆斜陽一更已下城門鑰  
更挈百壺橋上酌湖頭色相已盡空惟有圓月升中峯  
十六夜月不甚明淺步至錦帶橋望巾子峯作

橋裏松濤橋外風一風收盡滿湖蓬半宵橋上看森峭  
保叔塔頭巾子峯

十七日平明枕上聽雨

六曲屏風倚絳桃雨聲疏處夢初拋無聊閒把雨聲數

二十七點桃花梢

題孫侍御志祖深柳勸書堂遺照

深柳堂深昔繫舟侍御有別業在西湖昔曾以訪友至此重來人憶舊風

流遺編合附儒林傳絕學猶傳文選樓一瓣香升通德

更生齋詩類集卷二

三

里百篇書黜大航頭侍御辨偽尚書及王肅僞家語及聖證論甚力又精于文選學皆見

所著讀書錄中先生志節居然異丹墨應同白簡雷

河間寔事仍求是作偽心勞獨子雍漢學遂令無繼軌

家聲應亦愧追蹤王明易義尚守前說爰書罪甚何平叔立異心

逾邴曼容誰識廓清功最大一編吾欲拜儒宗

葛林園吟社圖為何文學元錫賦

葛林園中死友誰汪子久已埋蒿萊十年前汪明經中客死于此葛

林園中富生友首數何三及黃九圖為黃同知易所繪贈黃生畫

筆何生唵我觀一一皆賞心洞庭山人鈕匪石文苑居

然兼貨殖何生手寫十四經遺事近復搜西冷生有南宋逸事

西冷逸事二書花南判府秋槎令陳通判及華大令瑞潢畢竟以詩為性

命君不見葛林園園號本以仙翁傳仙翁雖仙出西晉  
若較洪厓仍後進

蘇文忠公新祠圖

八年兩度此中遊學士祠堂久滯畱公有才名照天地  
我同蛺蝶記春秋

前遊以冬今以秋故云

四賢各擅千秋業一客

今眠百尺樓如此風光難盡畫卷圖先向夢中遊

北山寄居圖爲華大令賦

巾子峯前路多年作寓公元卿三徑別彌勒一龕同使  
宅魚環樹乘軒雀就籠他時商配食應在水仙宮  
十九日將歸仍詣五柳居食魚

一風兼一雨收盡樹頭紅楊柳誰家宅湖波四面通曉

更生齋詩續集卷二

五

愁明鏡裏春夢麴塵中處處難爲別回舟揖白公

舟過半山十數里中桃李甚開喜而有作

一半波光漾日華紅雲都罩路三义謫仙尙剩雙青眼  
消受人間萬樹花

湖頭纔別兩高峯又見層岩障碧空一片山光水中臥

看他千百度花紅

三日東風已盡開韶光如此稱銜杯桃花不敢賺行客

我自石梁南畔來

長安鎮訪汪別駕淮

別駕字小海

層層桃李夾桑麻碧澗中看走白沙我擊唾壺歌小海  
桃花紅盡卽君家

廿年久住梧桐鎮，慣聽梧桐疏雨聲。奇絕小樓開一面，  
半宵能看海潮生。

石門道中

淪茗未嫌龍井淡，煮魚新愛馬臯鮮。扁舟能向死湖過，  
又有人分梅里賤。

廿一日雨過鶯脰湖

濛濛只向布帆零，過盡吳江長短亭。載得雨聲歸故里，

三田麥浪接天青。

暫把蜻蜓艇子橫，七層高塔隱江城。冥冥萬點歸鴉處，  
仍有桃花一樹明。

三月二日墨雲軒雨坐

一室此孤坐，驚風爲掩扉。萬年藤杖瘦，千葉海棠肥。仰  
屋苦無策，垂竿幸有磯。天憐吟客倦，入草雨聲微。

輓王韓城師

規公我本爲公賢，丙辰丁巳余從公值 內廷屢規公  
當隨事盡言公雖不能從然頗嘉其

直薦我受公知己，卅年曾有樓臺起。無地手栽桃李出，參

天勳存麟閣梁邱賀家傍。龍門司馬遷宰相，狀元如合

傳文襄文定愧居先。公與于文襄敏中梁文定國治皆  
以狀元宰相值機廷他日列傳亦

當同卷

上巳日偶成

欄前纔歇雨，霏微挑菜蒨裙計。總非一水碧，搖人影瘦

萬花紅。襯日光肥閒從野叟求魚膾，冷向山僧假衲衣。

世事卻同梁燕語謫官門巷客來稀

寒食前一日獨遊城東作

東風綠徧城頭草城裏花紅出城表紅纔十日綠半年  
草花轉比林花妍美人滿裙不須水花露濕裙裙色改  
一月門前不放船誰知屋外春如海棹舟亭北迎春堂  
三里路接蔬花黃君不見春人已老雛鶯小眉月昏昏  
星點皎

清明日早晴

清明寒食景尤賒小巷東西插柳斜卻向曙華臺上望  
一城新綠膩人家

萬葉千條拂岸隈銷魂曾記手親栽空心老樹輸人壽

更生齋詩續集卷二

三

已闕周天甲子來

東風落盡小桃枝墻角惟看漾雨絲寒暖近來殊不定  
山茶紅到牡丹時

卽事

生年已六七十卽眼前遊卽夜繼日亦祇二十年疾  
病旣時有哀樂復間焉縱或心緒佳風雨時連綿所以  
值賞心不復惜酒錢何須返蓬廬醉卽壚畔眠

南土稱什物北土稱五行百產無不儲人以瞻厥生造  
物恩亦溥四時擷菁英至人處其間膾細食必精流傳  
及後來衣食皆有經于世無所裨得不懼滿盈自非建  
樹宏定負生與成

人生一百年憂患及垂老縱饒孫與子聚首復難保閒  
呼來膝下不復別愚巧詩書偶然課粥飯幸粗飽回思  
釣游侶如我已覺少猶欣筋力健況值風日好呼兒開  
衡門防有客來早

插架三萬卷足供老眼觀關心惟酒錢常恐歲入完所  
願畢此生杯筯不使乾肉食恐未能園蔬冀堆盤老友  
約二三茅檐久盤桓游談戒無根立論貴不刊庶幾千  
百年治術此肇端我言亦非狂前有荀與韓

三月廿三日借施上舍晉戴文學綺宋秀才佳士登甯  
國府署北樓并久憇半月臺

殘春已到下弦月約客同尋半月臺屈指雨從寒食釀

夏生齋詩集卷二

古

自寒食至此舉頭雲向敬亭回難隨太白騎鯨去準待  
雨連綿不絕

琴高跨鯉來東望蓬萊一惆悵劇憐我亦謫仙才

寄胡刺史紀謨安西

受降城外偶裴回三面山城盡草萊電影白按豺虎窟  
花光紅上鬪醜臺疲民尙責多年稅病馬仍銜去日枚  
絕憶安西舊都護艱難仗爾濟時才

周大令鶴立出其六世祖明忠毅公玉印見示敬賦二

律

甲鐫季侯二  
字公字也

此身已碎壁仍完磊落驚從劫後觀八體書形雜科蚪  
百年姓字比麟鸞藏鋒尙起波三折吐餒曾經嶺百盤

印久失去令弟忽從嶺南購得攜歸忠毅硯銘忠介碣尙畱三絕與人看

余曾見趙忠毅公東方未明之硯  
及周忠介公所書石碣與此而三

印來血色尙零星想見孤忠諍大廷叔世宦多無黑白  
季侯名獨煥丹青死慙郭鞏顏何甲生喜忠賢目少丁  
眞氣至今填四角紐文猶作怒獅形

周大令鶴立以近作見示復贈一首

近來平望數詩壇仙史銷聲郭鬢斑

近聞史文學善長  
已逝郭謂上舍郭

譽豈意水西亭子住正逢淮左使君還此才合宦蓬萊

頂何計畱春芍藥欄

君送春  
詩最佳

心許詞名壓鄉里吳江楓

落句應刪

初八日李同年德淦招同周大令鶴立章徵君天育遊

水西煙雨亭復攜酒飲風光潭卽席賦呈并邀諸君

同作

夢中煙雨醒復晴挈夢來憇山中亭連山四面排雲氣  
卻值此停煙雨際闌前一水搖青天平視紫翠來無邊  
新安縱說好山水無此九曲屏風妍飛花飛絮何淩亂  
白鷺靜將行客看茅庵鐘磬宋不聞人語寥寥落天半  
此山此水黯欲愁太白一去空千秋琪花瑤草亦銷歇  
誰復快意頻來遊李侯約客眞佳絕顧曲周郎渺無匹  
照影先驚東逝波關心欲餞西馳日四山中間嵌一庵  
攜酒更上風光潭風光亦復不能待暢好花月辭江南  
今宵陰晴昨宵雨來日居然氣和煦四座先知客興闌  
林邊屋角都飛炬斜陽忽落波影中石磴百級盤虛空

君不見水西送客到水東正好新月彎如弓  
兩止夜坐讀周大令送春詩卻寄

宋寥空館劇相思百尺回廊半畝池  
掠客草香花謝後  
燭天星影月斜時閒中慰藉無逾酒  
病後商量欲廢詩  
誰似使君能寓感十章先寄餞春詞

城北晚步

所居鄰北城日晚聊縱步徑有百草香  
屢無十家住女  
墻頽數尺隔水聞喚渡人家奩鏡外時見片帆度  
正苦  
歸路迷窗䟽一燈吐

偶經廢圃

跨水一橋橫渡上樓百尺高歌誰說池塘草滿不如天

上星多

古宅惟餘廢井朱門久絕高軒千歲  
骸體多事教他萬  
鬼干言

琴士行爲趙司訓紹祖作

琴嶺百折琴水清我前琴谿遊早識琴士名一卷金石

志歐趙無其精爾來勘方輿敢與彪固爭

君以將修縣志先作溼事

一卷考核極精

君不見琴高仙人住玉京李白本係長庚星一

旣跨赤鯉一復騎長鯨遂令山川千載黯無色山魅水

怪拍手大笑此地無英靈山川之神聞之氣鬱不得平

彙此瀆嶽之秀陶鑄成君形卽如青蓮集內汪倫萬巨

縱有情可惜開元天寶宋莫無名聲一代獨步竟讓青

蓮生豈如趙生胷積一萬卷偶爾下筆揮灑尤難停我  
披所著書欲使神鬼驚我驗所作詩欲使蛟龍聽光燄  
上燭已接青天青昨爲琴谿歌今作琴士行水色澄澈  
山勢添崢嶸更欲開瓊筵飛玉觥飲滿百盞神仍醒然  
後左手挈鄭注右手攜桑經大呼山靈爲我闢此山水  
局我欲藉爾溯源上考南江分江兩水以迄清冷涇慎許  
言冷水出陵陽山班固地理志則以爲清水其實一也  
韋昭云涇水出燕湖誤當从元和郡縣志作涇水出徽  
嶺山爲是辯  
已見文集

### 哭紀尙書昀

乍入綸扉疾已綿客冬纔啟八旬筵最憐干寶接神記

所著說部書亦附劉歆輯畧篇乾隆中四庫館開其目  
至六七種錄提要皆公一手所成

更生齋詩集卷二

七

絕域紀遊思往日公會以事成甘陵植黨感餘年公與

師朱相國同里晚年烏魯木齊余座  
意氣不合頗復分黨鯁生事事辜公望余受公知最  
深期望尤切一

事同公是成邊

十七日雨中諸同人攜酒至水心亭痛飲酒半月出喜

而有作

水心亭遠植水中欲往祇覺雲濛濛望前望後復阻雨

清興兩度都成空忽驚四面窗櫺舉看月不成先看雨

酒人隔夜招邀定水面居然飛百炬初更以後薄露開

酒人喚月天上來當頭照我舉百杯檻外十里收風雷

前宵飛沙昨飛瓦難得今宵雨聲寡心兵門盡章徵士

天育

搏陣揮殘左司馬

瀛

涇東涇西煙水鄉李白一去

誰能狂我曾從公謫夜郎歸後痛飲誠無妨君千觴我  
一斗君不見汪倫萬巨骨已朽我欲從公酌杯酒  
送友人出塞

握別真無奈西南萬里馳腰身良馬識心事寶刀知地  
角秋生早天山月落遲刪丹城外過爲我采焉支

數日病酒左司馬瀛以花露見餉賦謝一篇

清晨客敲門餉我花上露酒人因病酒幾日啖蔬素滴  
露向酒杯冷洽散成乳攜之到花下花葉恍回顧甯知  
香一滴本向樹頭吐拜貺已及君仍應拜嘉樹

查秀才敦倫屢以詩見投作此答之

日日危亭共酒杯憶君家住水雲隈南唐舊事吾能識

可夢黃山白嶽來

更生齋詩續集卷二

天

千年君可繼汪倫愛客尤憐情性真今日好山杯底臥  
欲招殘月與同吞

飲酒四章

飲酒不讀經飲酒惟讀史君不見生王何得及死士生  
王之頭亦本不如死田橫之客五百殉一頭纒布對彭  
越奏事不得休足知一生一死心不變何況富貧同貴  
賤翟廷尉名知人拜官可惜還書門

左手挈一編右手執一壺嗟嗟彼姝乃逢秋胡嗟嗟樂  
羊妻乃有竊肉姑蒯家里婦木盜肉束火轉欲追亡逋  
如何蘇秦妻反不逢金夫屈原甫來歸申申詈女須不

若軼深井里聶政姊所見不愧烈丈夫我欲大哭我時  
欲大呼旁有老叟偏胡盧

一斗旣欲盡百盞亦已空酈寄不賣友賣友惟樓公陳  
相不背師背師乃逢蒙如何兩千年論苦無折衷朱游  
和藥不愧烈士風陳容一死已足追臧洪君不見阮籍  
登廣武定當哭途窮生逢典午時久已無英雄

人言飲量寬今飲頗不豪君不見海魚長百丈不作東  
海濤大鵬翼垂天不掩北斗杓鯨鯢之智反不若烏鵲  
鸞鳳之翮我視同鷓鴣醉欲眠歌且謠醉中百事不能  
識杯尙在手書先拋

送春

更生齋詩續集卷二

完

涇南風物最宜人積雨初晴漾麴塵三面水亭簾不捲  
百花香裏度殘春

蹤跡

蹤跡頻年客五湖喜傳消息過三吳萑苻窟穴居然淨  
荆楚閭閻漸欲蘇一輩究誰研實政九卿多半習浮屠  
衰慵已厭杯中物罵座何曾學灌夫

舟中午臥

鳥同帆競出林影風與篙爭著岸聲惹得半時殘夢醒  
舵樓高下響縱橫

桃花夫人石

枉將妾貌比花妍石上桃花色可憐何似望夫山上影

不回頭已一千年

卽事

雨與禽爭路禽同雨競先禽巢猶未入雨早壓巢偏  
同心曲爲楊太守燿賦

閣上雙棲燕池中比翼禽時時分顧影兩兩結同心同  
心人睇同心侶共向春波作私語矧央秋老梁燕回卻  
剩瘦影同裘徊君不見同心人勝同心鳥夜夜羅幃怕  
天曉

看花絕句

荷擎似錢小荷露作珠圓不及長庚影光芒徹夜圓  
榴火枝枝艷霜林葉葉紅無情偏有色難殿百花叢

夜泊灣汊

我共鱗兼翼從風百里馳川程魚不識天路鳥能知舟  
楫勢逾猛飛潛力不支夜來商共宿應傍水仙祠

過黃池遇友入下水舟

一船張兩帆我船偏逆浪但願三朝不落帆送君直過  
黃天蕩

烏溪夜泊

星長庚燈長明照客旅夢三更醒長明燈燼長庚黑螢  
火復來光片刻空明心地亦有光靜室隱隱同朝陽  
移泊黃家潭

時水沒村塢甚多

十丈湖波立驚鱗瞰鵲巢電梭穿地出漁鼓逼天敲影

暗藏林薄燈明露市梢連村衣食計都向水中拋  
五月朔日清曉舟行

空外雨如席冷冷向北傾乍看雲氣暝不礙日華明野  
樹風烟飽閑鷗身世輕晏公祠畔路應已動鳴鉦

聞周太守有聲擢守黎平卻寄一首

南北盤江此上游十年前記久淹留

黎平歲科并試

獸肥民瘠

分三縣地少天多劃一州遷徙絕無明土著威儀真軼  
漢諸侯詩筒忙處郵筒簡想日披牋坐郡樓

涇川志館口占

莫笑衰翁鬢雪盈著書纔了又唵成平心不與時高下  
舉足仍爲世重輕調水符煩開土送游山展有野人迎

更生齋詩續集卷二

三

涇南涇北題應徧卻惹樵蘇識姓名

同及門詠荷錢

東西南北罩開汀顆顆圓如天上星甚欲數錢煩姪女  
只防錢數有奇零

預恐秋來要採蓮田田不到四旁邊一擎出水居然大  
此是西京當十錢

一箇荷錢幾露珠露珠欲算要乘除多應蟻鼻錢無數  
不及三銖與五銖

憶女紡孫

昨聞油壁返江潯望眼勞勞直到今不是阿那偏愛汝  
歸甯無母最傷心

